

四庫全書薈要

• 乾隆御覽本

集部

欽定四庫全書薈要

集部

五百家註昌黎文集卷九



詳校官助教臣常循

五百家註昌黎文集卷九

宋 魏仲舉 編

律詩

題楚昭王廟

孫曰昭王名軫楚平王子以魯昭公二十七年即位襄公六年卒在位二十七年樊曰廟在襄州宜城縣公縣驛記云驛東北有井傳是昭王井井東北數十步有楚王廟舊廟屋極宏盛今惟草屋一區每歲十月民相率祭其前與此詩合

丘園滿目衣冠盡

國一作墳

城闕連雲草樹荒猶有國人懷

舊德一間茅屋祭昭王

宿龍宮灘

樊曰灘不詳所在詩意則公自陽山徙掾江陵與張功曹蒯命于柳而作

浩浩復湯湯

音商

灘聲抑更揚

補注魯直云退之裁聽水句尤見工所謂浩浩湯湯

抑更揚者非諸客裏夜卧飽聞此聲安能周旋妙處如此耶

奔流疑激電驚浪似浮

霜夢覺燈生暈

孫曰暈日月旁氣燈暈亦然○暈于郡切

宵殘雨送涼如傳

連曉語只是說家鄉

蔡本作一半是思鄉

叉魚招張功曹

集注周官以時藉魚鄭玄云以叔刺涖中取之張功曹署也公與署俱自御史出為南方縣公連州陽山署郴州臨武以順宗即位赦供徙按江陵公法曹署工曹公於是出嶺至郴與署俱徙新命于郴而作其後公在江陵奈李郴州有云投叉魚之短韻愧韞取而衆秀埃新命於衡陽費薪芻於館候此其證也

叉魚春岸闊此興在中宵大炬然如晝長舡縛似橋深

窺沙可數

所矩切

靜榜水無搖

榜進舡也本音誇又比益切

刃下那能

脫

刀一作手

波間或自跳中鱗憐錦碎

憐一作疑

當目訝珠銷迷

火逃翻近驚人去暫遙

暫一作不

競多心轉細得雋語時囂

孫曰左傳得雋曰克爲謂蒙俊  
驚喧也雋與俊同○驚虛騷切

渾鑿知存寡舷平覺獲

饒孫曰舷舡邊饒多也○舷音賢

交頭疑湊餌

湊奔湊也

駢首類同條

孫曰同條

同罪也  
濡沫情雖密

樊曰莊子泉涸魚相與處於陸相吻以濕相濡以沫

登門志已

遼

孫曰辛氏三秦記曰河津一名龍門登門謂登此龍門也韓不能上上則爲龍故云龍門

曰後漢李膺傳登龍門注云江海大魚集龍門下數千不得上上則爲龍志字一本作事

盈車欺故

事

孫曰列子詹何引盈車之魚於百仞之淵孔叢子衛人釣魚於河得魚焉其大盈車

餉犬驗今

朝

孫曰鹽鐵論曰彭蠡之濱以魚飼犬樊曰杜予美黃魚詩脂膏兼飼犬○飼音伺

血浪凝猶

沸腥風遠更飄蓋江煙幕幕

幕幕深貌○幕莫秋切

迴棹影寥寥

作拂

一獼去愁無食

祝曰獼水何也。獼化達切。

龍移懼見燒如棠名

既誤

韓曰左傳隱公五年如棠觀魚書。公矢魚于棠非禮也棠魯地名。

釣渭日徒消

樊曰

史記呂尚年老以魚釣奸周西伯伯出獵果過於渭之陽載與歸立為師。

文容驚先賦

工喜盡謠

謠工舟師也。祝曰選。萬工機師。萬音高。

膾成思我友觀樂憶吾

僚

孫曰吾僚即。謂張功曹。

自可捐憂累何須強問鴉

孫曰賈誼。賦口問於子。

鵬余去何之楚人命鵬曰鵬不祥鳥也。鵬音臬。

# 李員外寄紙筆

韓曰公貶陽山過郴州謁李使君明年以黃柑遺李李寄以紙筆公作此詩以謝其後泰

柳州李使君文云包黃柑而致辭獲紙筆之  
雙貿謂此也樊曰柳子厚在永州亦有楊尚  
書寄柳筆之作

柳宜出筆耶

題是臨池後

韓曰張芝伯英善草書凡家之衣帛必先  
書而染練芝臨池學書池水盡黑寸紙不

遺常仲特  
謂之草聖

分從起草餘

孫曰漢制尚書郎掌  
天子制詔起草禁中

兔尖針莫

益

兔尖  
謂筆

蘭淨雪難如

韓曰蘭淨蘭紙也莢之製蘭亭乘  
興而書用蠶繭紙補注建中初日

本使者興能獻方物興能善書其  
紙似蘭而澤人莫識口爾告典切

莫怪慙慙謝虞卿正

著書

樊曰虞卿著虞氏春秋太史公曰虞卿非窮  
愁亦不能著書以自見於世此公所以自比也

次同冠峽



樊曰公有同冠峽詩與此詩凡二章皆赴陽  
山時作故一云因因念輕矯一云無心思嶺  
北也次同冠峽它  
本作次巫冠峽

今日是何朝天晴物色饒

饒多也

落英千尺墮

孫曰落英落花

遊

絲百丈飄

孫曰遊絲蛛絲

泄乳交巖脉

孫曰泄乳泉水

懸流揭浪標

揭音

燭入禁燭二音

無心思嶺北猿鳥莫相撩

### 張署詩

補注唐本有此詩按公集贈張十一工曹署詩頗多而署詩絕不可見可見者惟此篇故

錄之

九疑峯畔二江前，戀闕思鄉日抵年。  
白簡趨朝曾並命，蒼梧左宦亦聯翩。  
鮫人遠泛漁舟火，鵬鳥閑飛霧裏天。  
渙汗幾時流率土，扁舟直下共歸田。

答張十一功曹

張詩見上

山淨江空水見沙，哀猿啼處兩三家。  
篋簾競長纖纖筍，

孫曰：篋，簾竹名。異物志曰：篋，當生水邊，長數丈，圍一尺五六寸，一節相去六七寸，或相去一尺。廬陵界中有之。祝曰：選其竹，則篋簾。蔣韓曰：郭璞《江賦》：「桃枝篋簾，實繁有叢。」篋音云，當音當。

躑躅初開艷

花

孫曰：躑躅，花名。

未報恩波知死所，莫令炎瘴送生涯。

君詩罷看雙鬢斗覺霜毛一半加

補注任子淵云斗覺詩中健語也前輩多

使退之詩有此句東坡詩黃昏斗覺羅裳薄少游詩斗覺西南壯後山詩斗覺文字生清新

### 郴州祈雨

祝曰桂陽郡即今之郴州蓋古之郴縣史記乃使徒義帝長沙郴縣是也公時在州作此○郴音琛

乞雨女郎魂

孫曰女郎神明

魚羞潔且繁

孫曰魚災也詩魚焚芬○魚音庖

廟

開鼯鼠叫

孫曰爾雅鼯鼠狀如蝙蝠飛而且孔亦名飛生

神降越巫言

孫曰史記漢武

帝令越巫立越祝祠越巫者越國之巫也韓曰越巫亦祠天神上帝百鬼以難卜事亦見史記

旱氣期

銷蕩陰官想駿奔

孫曰陰官冥官駿疾也古駿奔走執豆蓬

行看五馬入

洪

古樂府云五馬立踟躕禮天子六馬左右駢三公九卿  
駢馬右駢漢制九卿則中二千石亦右駢太守有功德  
者亦秩中二千石王成乃有右駢故以五馬為太守美  
稱東朔外傳郡守駢馬駕車一馬行春衛宏與服志諸  
侯駢馬附以一馬南史柳景元兄弟五人並為太守時  
人語曰柳氏門庭五馬遙迤謝靈運為永嘉太守常以  
五馬自隨立五馬坊  
五馬亭載於圖記  
天旱行春  
隨車致雨

### 湘中醅張十一功曹

集注湘水名湘中即謂郴州郴在溪南西道  
於古為越地公祭張十一文云予出嶺中君  
埃州下州下即謂郴也公時自連州來張  
埃公于郴與之共離郴也故詩意及焉

休垂絕徼千行淚

祝曰徼謂邊徼前漢南至犂訶為徼注謂以木石水為界○徼音呼○絕

字一本作越

共泛清湘一葉舟今日嶺猿兼越鳥可憐同聽

不知愁

### 柳口又贈二首

柳口見上注樊曰張去叟嘗謫于柳及離郡有詩畧云歸舟已屬張公子別酒空煩李使君正引用此意張公子見公此作李使君則見公祭郴州李使君文

山作劍攢江瀉鏡

攢聚也○攢音嶺

扁舟斗轉疾於飛

孫曰斗轉如星

斗之轉迴頭笑向張公子

張署

終日思歸此日歸

雪飈霜翻看不分

飈職球切  
雪一作雲

雷驚電激語難聞  
公崖宛

轉到深處何限青天無片雲

青一作清

### 題木居士二首

樊曰張芸叟木居士詩序云耒陽縣北汾流  
二三十里麓口寺即退之所題木居士在焉  
元豐初縣令禱旱無雨祈而薪之今所事  
者乃寺僧刻而更為之予過而感焉云云

火透波穿不計春  
根如頭面幹如身  
偶然題作木居士  
便有無窮求福人

為神詎比溝中斷

孫曰為神謂祀以為神莊子百年之  
木破為犧尊青黃而文之其斷在溝

中比擬尊於溝中之斷則美惡有間矣其於失性一也

遇賞還同戮下餘

孫曰賞識也後

漢蔡邕在吳吳人有燒桐以爨者邕聞火烈之聲知其良木因請而裁為琴果有美音而其尾猶焦故人名為

焦尾琴云

朽蠹不勝刀鋸力

韓曰論語朽木不可雕也

匠人雖巧欲何如

### 晚泊江口

白陽山還過湘

中作下詩同

郡城朝解纜

纜維舟索樊曰解纜即前柳口詩所謂片舟斗轉疾於飛者也○纜音濫

江岸

暮依村二女竹上淚

韓曰張華博物志舜死二妃淚下染竹竹即斑妃死為湘水神故曰

湘妃竹孤臣水底魂

樊曰史記屈原仕楚懷王為上官大夫所讒王終不悟於是懷石自投汨

羅以雙雙歸蜚燕蜚藏也一一叫羣猿叫呼也迴首那能語

能一作聞空看別袖翻

湘中

樊曰公此詩謂屈原也

猿愁魚踊水翻波

踊一作躍

自古流傳是汨羅

樊曰賈誼弔屈原賦云側

聞屈原今自汨羅縣名屬長沙郡北帶汨水汨水汨汨西北去縣三十里有屈潭即屈原自沉處祝曰說文長沙汨羅淵屈原所沉之水○汨音覓

蘋藻滿盤無處

奠

盤一作舡

空聞漁父叩舷歌

舡舡邊也韓曰屈原有漁父篇其終曰漁父莞爾而笑鼓



世而去歌曰云  
云○能音賢

## 別盈上人

韓曰盈即誠盈也居衡山中院見柳集公自陽  
山迴至衡湘與盈別去祝融乃衡山五峯之一也

山僧愛山出無期俗士牽俗來何時祝融峯下一迴首  
即是此生長別離

## 喜雪獻裴尚書

孫曰尚書名均字君齊貞元十九年五月自  
荆南行軍司馬為本鎮節度使以功加吏部  
尚書公時為其府法  
曹參軍作此詩獻之

宿雲寒不卷春雪墮如篋

孫曰篋下物竹器○篋所宜切

騁巧先投隙

潛光亂入池

亂一作半

喜深將策試

策杖也

驚密仰簷窺自下

何曾污

孫曰揚子自下者人高之

增高未見危

孫曰子曰高而不危

比心明可燭

拂面愛還吹妬舞時飄袖

韓曰張衡舞賦裾似飛燕袖如迴雪

欺梅併壓

枝

韓曰陳子良春雪詩欲妬梅將柳故落草卷中

地空迷界限砌湍接高卑浩

蕩乾坤合霏微物象移為祥矜大熟

為一作驗

匝澤荷平施

匝一作布

已分年華晚猶憐曙色隨氣嚴當酒暖

一作換

灑急

聽窻知

補注邵氏聞見錄云荆公嘗以力去陳言誇末俗可憐無補費精神薄退之然其詠雪則云借

問火城將策試何如雲屋聽窓知皆用退之句  
也去古人陳言以為非用古人陳言乃為是耶

照耀臨

初日玲瓏滴晚漸

漸流冰也

聚庭看嶽聳

孫曰嶽山

掃

路見雲披陣勢魚麗遠

孫曰桓五年左氏鄭人為魚麗之陳魚麗者如魚貫之狀韓曰

兵法有魚麗陣○麗音萬

書文鳥篆奇

韓曰書序疏蒼頡造書觀於鳥迹因而遂滋則謂之字孫

曰書有八體五曰蟲書為鳥之形施於幡信謂之鳥篆

縱歡羅艷點

孫曰艷點美婦

列賀

擁熊螭

孫曰熊螭將士

履弊行偏冷

孫曰史記東郭先生久待公車貧寒衣履不完行雪

中履有上無下足虛踐也

門扃卧更羸

孫曰錄異傳時大雪積地大餘洛陽令身出案行見人家

皆除雪出有乞食者至袁安門無有行路謂安已死令

人除雪入戶見安僵卧問何以不出安曰大雪人皆餓

不立千人令以  
為賢舉為孝廉

悲嘶聞病馬

一作鳥

浪走信嬌兒竈靜愁

煙絕絲繁念鬢衰擬鹽吟舊句

樊曰世說謝太傅對雪內集公曰白雪紛紛何

所似兄子胡兒曰撒鹽空中差

授簡慕前規

樊曰謝惠連雪賦曰

可擬兄女曰未若柳絮因風起

梁孝王遊於兔園密雪下授簡於司馬

捧贈同燕石

曰

大夫口抽子秘思聘子妍詞為我賦之

閻子曰冰之愚人得燕石於梧臺之東歸而藏之以為

實有客聞而觀之掩口而笑曰此燕石也與瓦礫不殊

公言此者以

多慙失所宜

自喻其詩

# 春雪

樊曰沈存中云杜子美詩紅豆啄餘鵲起粒  
碧梧栖老鳳凰枝語相反而意新退之雪詩

舞鏡驚窺沼行天

馬渡橋蓋做此牀

觀雪乘清旦

觀一作看

無人坐獨謠

孫曰爾雅徒歌曰謠

拂花輕尚起

落地暖初銷已訝凌歌扇

韓曰晉中書令王珣好捉白團扇其侍人謝步歌之因以

為名班婕妤好詠扇云新製齊紈素皎潔如霜雪云云又見陳子良詠雪云光映粧樓月花承歌扇風凌一作

院還來伴舞腰灑篁留密節

孫曰叢竹曰篁一作半

著柳送長條

著直入鏡驚窺沼行天馬渡橋

孫曰驚窺沼則如入

徧

堦憐可掬滿樹戲成搖江浪迎濤日風毛縱獵朝

孫曰江浪

風毛皆以喻雪弄閑時細轉爭急忽驚飄城險疑懸布

孫曰襄十年左

八偏陽人縣布秦莖父登  
之雪在城上其勢如此

砧寒未擣綃

綃生絲  
綃音消

莫愁

陰景促夜色自相饒

夜一作月

### 聞梨花發贈劉師命

韓口公集有劉生詩云陽山窮色惟猿猴手  
持釣竿速相投師命蓋陽山時客也樊曰此  
聞梨花發贈師命云欲將君去醉如何已而  
梨花下贈師命云今日相逢瘴海頭則與劉  
醉於花下矣  
皆陽山詩也

桃蹊悵悵不能過

孫曰史記桃李不言下自成蹊蹊一作溪悵一作惆

紅艷紛紛

落地多聞道郭西千樹雪欲將君去醉如何

春雪閒早梅

閒一作  
作映

梅將雪共春，彩艷不相因。  
逐吹能爭密，排枝巧妬新。  
誰

令香滿座，獨使淨無塵。  
芳意饒呈瑞，寒光助照人。  
玲瓏

開已徧，點綴坐來頻。  
那是俱疑似，須知兩逼真。  
熒煌初

亂眼，浩蕩忽迷神。  
未許瓊華比，

孫曰：詩尚之以瓊華乎，而瓊者美玉，其色光華。

故曰將從玉樹親，

孫曰：揚雄甘泉賦：萃玉樹之青蔥兮，望馬辟之璘璊。漢武帝故事曰：上起

神屋前庭植玉樹，璘璊

先期迎獻歲，

韓曰：楚詞獻歲發春。

更伴占茲

辰

一作辰

願得長輝映，輕微敢自珍。

梨花下贈劉師命

注見前開梨

花發題下

洛陽城外清明節  
百花零落梨花發  
今日相逢瘴海頭  
共驚爛漫開正月

和歸工部送僧約

某注歸登字冲之順宗為太子時侍讀及即位起拜給事中遷工部侍郎僧約荊州人劉夢得亦有贈別約師詩畧云  
荊州人市井生而雲鶴性

早知皆是自拘囚  
不學因循到白頭  
汝既出家還擾擾



何人更得死前休

得一  
作向

### 入關詠馬

韓曰公自江陵召拜  
國子博士入藍闕作

歲老豈能充上駟

孫曰史記孫武謂田忌曰以君  
下駟與彼上駟上駟良馬也

力微

當自慎前程不知何故翻驤首

驤低昂也○  
驤思良切

牽過關門

忘一鳴

忘字舊本  
作忘是

### 早春雪中聞鶯

洪曰北地春晚方聞鶯  
此詩蓋南遷時作也

朝鶯雪裏新雪樹眼前春帶澁先迎氣侵寒已報人共  
稔初聽早誰貴後聞頻暫轉那成曲孤鳴豈及辰風霜  
徒自保桃李詎相親寄謝幽棲友辛勤不為身

### 木芙蓉

孫曰水生者為水芙蓉木生者為木芙蓉  
爾雅曰蓊蓊芙蓉也此所謂水芙蓉也

新開寒露叢遠比水間紅

孫曰水間紅即  
蓊蓊間一作遙

艷色寧相妬

嘉名偶自同採江官渡晚寒木古祠空

補注古詩云涉  
江採芙蓉故云

採江楚詞云零芙蓉兮木末故云零木洪曰或作採江  
秋節晚寒木古祠空又作秋江官渡晚寒木古祠空皆

後人妄改耳  
案亦非是

須勸勤來看

須勸一作願得

無令便逐風

### 題張十一旅舍三詠

樊曰公自陽山與張十一徙據江陵道潭州而作以其詠井云賈誼宅中今始見知之

### 榴花

五月榴花照眼明  
枝間時見子初成  
可憐此地無車馬

顛倒青苔落絳英

絳赤色英花也

### 井

賈誼宅中今始見

孫曰括地志云賈誼宅在長沙縣南三十步湘水記云賈誼宅中有一井

誼所穿也極小而深上飲下大其狀如壺樊曰水經注云長沙縣西陶侃廟傳是實誼宅地中有一井是誼所穿杜詩長懷葛洪山下昔曾窺孫曰葛洪字稚川其井在今郴州寒泉賈傳井依然

百尺空看影正是行人暍死時

祝曰前漢夏大旱民多暍死注云中署而死○

暍音

蒲萄

新莖未徧半猶枯高架支離到後扶

到或作倒

若欲滿盤堆

馬乳

韓曰蜀本圖經本草蒲萄注子有似馬乳者若字一本作君

莫辭添竹引龍鬚

峽石西泉

孫曰此詩舊本以次張十一旅舍三  
詠後蓋永貞元年道衡潭之荆而行

居然鱗介不能容

韓曰周禮川澤宜  
鱗物墳衍宜介物

石眼環環水一鍾

聞說旱時求得雨祇疑科斗是蛟龍

孫曰爾雅科  
斗蝦蟆子

### 梁國惠康公主挽歌二首

孫曰公主憲宗長女始封晉寧徙封永昌元  
和二年下嫁于季友及卒追封梁國公主諡

曰惠康今

作京國誤

定謚芳聲遠

諡即  
惠康

移封大國新

封即  
梁國

巽宮尊長女

孫曰  
易巽

為長  
女  
台室屬良人

孫曰季友之父頗為相  
故云台室良人季友也

河漢重泉夜

孫曰史記秦始皇塋以水銀為百川  
江河大海皆塋中為之重泉九泉也  
梧桐半樹春

孫曰

半生半死半樹春者以

龍輜非厭翟

祝曰輜輿車名前

言公主死獨季友仔爾

漢此似輜車孫曰

周禮王后五輅重翟錫面朱總厭翟勒面績總厭

還輶

翟平時所出車也○輶音而厭於陟切翟丁歷切

禁城塵

輶轉也○  
輶之輦切

秦地吹簫女

樊曰列仙傳秦穆公女字弄玉時有蕭史

鳳鳴居數年鳳凰來止其屋

湘波鼓瑟妃

樊曰屈原遠

一旦夫妻皆隨鳳凰飛去

九韶歌使湘靈鼓瑟兮令海若

佩蘭初應夢

韓曰左傳

薛西夷二女舜二妃尤之女也

妾曰燕姑夢天使與已蘭曰以是為而子既

奔月競淪

而文公見之與之蘭而御之生穆公名曰蘭

輝

孫曰淮南子昇諸不死之藥於西王母昇妻常娥竊而奔月是為蟾蜍競字合作竟

夫族迎魂

去宮官會堊歸從今沁園草

孫曰沁水公主漢光武皇帝女竇憲女弟為皇后憲

侍宮掖勢以賤直奪公主園沁園者沁水公主園也。沁七鳩切

無復更芳菲

# 和崔舍人詠月二十韻

崔羣字敦詩元和間為中書舍人樊曰韋絢劉公嘉話載夢得語云韓十八愈謂李二十六程曰崔大羣往還二十餘年不曾說著文章然公集有與崔羣書贈崔大補闕詩至是又有和篇未嘗不說及文章也嘉話非誤耶韓曰公時以職方員外郎下遷國子博士故其落句云獨有虞庠容無由拾落

其意謂職在虞庠去堊階遠矣

三秋端正月

孫曰端正月謂中秋月

今夜出東溟對日猶分勢

孫曰

謂月初出時

騰天漸吐靈未高蒸遠氣半上霽孤形赫奕當

躔次

孫曰躔次日月所行之次

虛徐度杳冥長河晴散霧

孫曰長河天漢

列

宿曙分螢

祝曰前漢郎官上應列宿○宿音秀

浩蕩英華溢蕭疎物象冷

池邊臨倒照簷際送橫經花樹參差見皋禽斷續聆

孫曰

詩鸛鳴于九皋皋澤也皋禽謂鵠也

牖光窺寂寞砧影伴娉婷

祝曰娉婷和色也杜

詩赤節引娉婷○娉昔丁切娉徒寧切

幽坐看侵戶閑吟愛滿庭輝斜通

壁練彩碎射沙星清絜雲間路空涼水上亭淨堪分顧



苑

韓曰楚詞厥利維何而顧苑在腹顧苑月中苑也

細得數飄萍山翠相凝綠

林煙共暮青

暮音

過隅驚桂側當午覺輪停

孫曰午夜半

屬

思摘霞錦

孫曰摘舒也屬之欲切

追歡罄縹緲

孫曰縹青白色縹音沼切

郡

樓何處望

孫曰謝朓有宣城郡樓中望月詩即樓即謂宣城郡樓也

隴笛此時聽右

掖連台座

韓曰應邵漢官儀曰左右曹受尚書事前世文士以中書在右因謂中書為右曹又稱西

掖重門限禁局

孫曰步重門擊柝以待旅客

風臺觀滉漾

滉一作沈音晃

冰

砌步青瑩

祝曰選眩耀青瑩音螢

獨有虞庠客

韓曰禮記有虞氏養國老於上庠養

庶老於下庠孫曰庠者虞時學名公為國子博士故云虞庠客也

無由拾落窠

孫曰白虎通曰

日度符其分則寅亥生於階間寅亥者樹名月一日一  
亥生十五日畢十六日一亥去三十日畢亦見帝王世  
紀

詠雪贈張籍

樊曰此詩或云自松篁遭挫抑以下等語專  
以譏時相故終以其意謂張籍曰惟子能諸  
爾諸人得語哉又曰莫煩相屬和  
傳示及提孩其有所識也審矣

祇見縱橫落寧知遠近來飄飄還自弄歷亂竟誰催座

暖銷那怪池清失可猜坳中初蓋底

孫曰莊子覆杯水於坳堂之上坳地

窪下也○

坳處遂成堆

孫曰坳處家補注劉貢父云蘇  
防永叔與江鄰幾論此詩以隨

坳於文坳

車翻縞帶躍馬散銀盃為不工而以物中初蓋底埴處遂成堆為勝且謂未知得韓意否○埴徒結切慢

有先居後

慢恃也

輕多去却迴度前鋪瓦隴

瓦隴瓦溝

奔發積

牆隈

隈牆曲也奔發一作發本

穿細時雙透乘危忽半摧舞深逢坎

井

坎陷也

集早值層臺

層級也

砧練終宜擣堦紈未暇裁

紈紈

素城寒粧睥睨

睥睨孫曰睥睨城上女牆○睥匹詣切視妍計切二字合從土作睥睨

樹凍

裹莓苔片片勻如翦紛紛碎若按

按以手厚物○按乃木切人奴木切

定

非燭鵲驚

燭湯中滄肉○燭徐廉切

真是屑瓊瑰

祝曰瓊瑰石次玉詩瓊瑰玉佩孫曰

鵲驚瓊瑰皆取其白色備注王氏塵史云說文以瓊為赤玉此見人詠白物多用之韓愈雪詩真是屑瓊瑰又

今朝端作瓊珠跡別有所稽耶豈

孫曰楚詞忽緯

用之不審也○瑰姑回切一作瓊

緯緯觀朝夢

孫曰楚詞忽緯

詞忽緯

維其難遷注緯緯乖戾也

冥茫矚晚埃

矚視也音燭

當窻恒

凜凜

忽一作爐

出戶即皚皚

祝曰皚皚霜雪白貌選涉積雪之皚皚○皚五來切

壓野

榮芝菌

芝菌糞土上英○菌巨隕切壓字一作潤

傾都委貨財

委弃也

娥嬉華

蕩漾

孫曰娥恒娥嬉游也淮南子昇請不死之藥於西王母其妻恒娥竊之奔月宮華月邑

胥怒

浪崔嵬

孫曰胥伍子胥吳越春秋曰吳王賜子胥劍子胥逆伏劍而死王乃取其尸盛以鸛夷投之江

子胥因隨波揚流成濤激

磧迫疑浮地

祝曰磧水渚之有石前漢下磧

歷之坻注磧歷沙石之貌也○磧七迹切

雲平想輶雷隨車翻縞帶

孫曰縞二下九

年左氏吳公子北聘於鄭見子產如逐馬散銀盃萬屋

漫汗合

孫曰漫汗混合貌補注選布渡漫汗言廣大也。漫音瞞汗音寒

千株照曜開

松篁遭挫折

一作柳

糞壤獲饒培隔絕門庭遽

其據切

擠排

陞級纔

祝曰火記擠排莊助買臣孫曰纔僅也言僅有陞級存爾

宣堪禪岳鎮

孫曰岳五

岳鎮大山也周禮其山鎮曰云云是也裨益也

强欲效鹽梅隱匿瑕疵盡

孫曰左氏

瑾瑜匿瑕

包羅委瑣該

委瑣細也

誤難宵呢喔

孫曰呢喔難聲難誤以為明故呢喔

也祝曰選良遊呢喔呢音厄喔音渥

驚雀暗徘徊浩浩過三暮悠悠市

九垓

孫曰垓極也九州之極處曰垓祝曰風俗通十北曰垓十垓曰垓國語天子之田九垓以食兆民。

該音 鯨鯢陸死骨玉石火炎灰

孫曰吉火炎昆周玉石俱炎陸死骨火炎灰皆

以喻雪之狀如此

厚慮填溟壑高愁擻斗魁

擻刺也指也至也韓曰楊子雲甘泉

賦擻北極之嶙嶙孫曰北斗第一至四為魁第五第七為標○概音致

日輪埋欲側坤軸

壓將頽

孫曰博物志地有三千六百軸

岸類長蛇攪

岸類一作堰似攪一作擾○擾馴也

陵猶巨象脰

脰關也

水官夸傑黠

孫曰水官主冥之屬

木氣怯胚

胎

孫曰木氣春氣胚胎初兆說文孕婦至一月曰胚胎○胚鋪孟切胎他來切

著地無由卷

連天不易推

他曰切

龍魚冷蟄苦虎豹餓號哀巧借奢豪

便專繩困約災威貪陵布被

陵一作凌

光肯離金蠱

孫曰詩我姑酌

彼金罍酒器以金為之有賞玩捐他事歌謠放我才  
雲雷之象因名罍離一作離

狂教詩碑

碑硯蒙放貌○硯勒未切硯五忽切

興與酒陪鰓

祝曰選潘岳曰放藻

翰之陪鰓注奮怒貌○鰓蘇來切或作造鰓鳥羽張貌

惟子能諳耳諸人得語哉

助留風作黨勸坐火為媒雕刻文刀利搜求智網恢莫  
煩相屬和傳示及提孩

### 壽王二十舍人雪中見寄

樊曰王二十舍人王涯也公赴江陵途中寄王二十補闕即其人涯公之同年友至是為中書舍人以詩來寄或云王仲舒非也仲舒召為中書舍人時公正在袁州未幾即觀余

江西公尚在袁為作新修滕王閣記則此非仲舒明矣

三日柴門擁不開  
堦庭平滿白皚皚  
今朝蹋作瓊瑤跡

孫曰許投我以木桃報為有詩從鳳沼來

鳳沼鳳凰池韓曰卞伯玉

之以瓊瑤瓊瑤美玉也中書郎詩云躍鱗龍鳳池揮翰紫宸裏人荀勗自中書遠尚書令人賀之曰奪我鳳凰池何賀之有王時為中書故云補注從字一本作仙非是舊溪漁隱曰改從作仙則失詩題見寄之意沼一作侶亦非

### 送侯喜

韓曰公長慶元年有雨中寄張博士籍侯主簿喜之什此詩豈同時作歟喜時為國子主簿公為祭酒故云長官也



已作龍鐘後時者

韓曰廣韻龍鐘竹名世言龍鍾蓋取此謂年老如竹之枝葉搖曳有不能

也自持

懶於街裏蹋塵埃如今便別長官去直到新年衙

日來

孫曰衙謂請謁上官

### 學諸進士作精衛街石填海

孫曰山海經炎帝之女名曰女娃游于東海溺而不反化為鳥名曰精衛街西山木石以填東海樊曰任昉述異記炎帝女溺死東海化為精衛自呼其名每街西山木石填東海一名誓鳥一名冤禽一名志鳥一名帝女雀

烏有償冤者終年抱寸誠

孫曰寸誠微誠也

口銜山石細心望

海波平渺渺功難見

渺渺海大貌

區區命已輕人皆譏造次

孫曰語曰造次必於是注云急遽貌補注造次猶言不量力也

我獨賞專精豈計休無

日休止也

惟應盡此生何慙刺客傳

孫曰史記有刺客傳記曹沫荆軻荏政等

不著報讎名

著執畧切

疇振武胡十二丈大夫

樊曰胡十二胡証也傳云河東人元和九年  
光項屢授邊証以儒而勇由諫議大夫遷拜  
振武軍節度使道河中時趙宗儒為帥証以  
州民入謁因語錄亦云宗儒鎮河中証建節  
赴振武過河中持刺稱百姓獻詩云詩書入  
京國旌節過鄉關州里榮之此公詩所以有

煩縣令敬鄉人之句  
一本題中無文字

傾朝共羨寵光頻半歲遷騰作虎臣

孫曰詩矯矯虎臣言如虎之猛毅

弩矢前驅煩縣令

孫曰前漢司馬相如使西南夷至蜀太守以下郊迎縣令負弩矢先驅蜀

人以為龍一本作戎旅暫停綠社樹

里門先下敬鄉人

韓曰萬石君徙居陵里內史慶醉歸

入外門下下車萬石君責曰內史貴人入閭里里中長老皆走匿而內史坐車自如固當廼謝罷慶反諸子弟

入里門

橫飛玉盞家山曉

飛舉也

遠蹀金珂塞草春

孫曰蹀蹀

行貌謂行春也祝曰楚詞衆蹀蹀而日進。珂苦何切蹀音蹀

自笑平生誇膽氣不離

文字鬢毛新

孫曰此公自謂也

和庫部盧四兄曹長元日朝迴

盧四名汀字雲夫公時為考功郎中作洪曰  
國史譜云兩省相呼為閤老尚書丞即相呼  
為曹長郎中員外御史遺補相呼為院長上  
可兼下下不可兼上唯御史相呼為端公然  
退之呼盧庫部為曹長張功  
曹為院長則上下亦通稱也

天仗宵嚴建羽旄

孫曰仗器也天仗謂天子儀衛宵嚴  
風設也羽旄以鳥羽為旌旗也周禮

全羽為旄析羽為旌是也

春雲送色曉雞號

謂黎明也

金鑪香動螭頭暗

孫曰唐會要曰漢栢梁殿災越巫言海中有魚虬尾似  
鰲激浪則降雨遂作像于屋以厭火災亦作螭字言香  
煙之盛至螭頭昏暗也韓曰唐制起居郎舍人分侍左  
右夾香案立立第二螭首和墨濡筆即吻處時號螭頭

見百官志

玉佩聲來雉尾高

孫曰雉尾扇名天子出則御者持之引於庭上殷高宗有雉尾

之祥後章服多用翟羽故有雉尾漢乘輿服之高舉也樊曰唐制人若舉動必以扇雉尾障扇四小團雉尾扇

四方雉尾扇十

戎服上趨承北極

孫曰北極帝庭

儒冠列侍映

二見儀衛志

東曹

韓曰謂文武兩班也

太平時節身難遇郎署何須歎二毛

孫曰

漢武故事曰武帝輦過郎署見顏驄龙眉皓髮曰吏何時為郎何其老蒼曰臣文帝時為郎文帝好文而臣好武至景帝好美而臣貌醜陛下即位好少而臣老是以三世不遇故老於郎署上感其言以為會稽都尉左氏不擒二毛二毛黑白相半樊曰潘安仁秋興賦余春秋三十有二始見二毛以太尉掾狼虎賁中郎將寓直於

散騎之省

# 寒食直歸遇雨

唐本箋云元和十年公時以

考工郎中知制誥歸一作宿

寒食時看度

孫曰荆楚歲時記去冬至一百五日即有疾風甚雨謂之寒食

春遊事已

違風光連日直陰雨半朝歸不見紅毬上

孫曰劉向別錄曰踏鞠黃

帝所造本兵也或云起於戰國

那論綵索飛

孫曰古今

鞠與毬同紅毬者以紅帛為之

國曰北方山戎寒食日用鞦韆為戲以

惟將新賜火

樊

習輕越者綵索即謂此鞦韆之戲也

周官司烜氏仲春以木鐸巡火禁于國中為季春將出

火也後此乃以介之推焚死人之至時一月寒食不敢煙

費東漢周舉為太原始變其俗三日

著直

而止孫曰周禮季春出火即賜火也

向曙著朝衣

著直

# 送李六協律歸荆南

孫曰李協律翔也公常量移為江陵法曹參軍故此詩首言羈遊處云

早日羈遊所春風送客歸柳花還漠漠江鶯正飛飛

法補

高齋詩話云退之詩江鶯正飛

歌舞知誰在賓僚逐使

飛蓋取老杜清秋鶯子故飛飛

非孫口賓僚謂故時同

宋亭池水綠

韓曰杜子吳詩曾聞宋玉宅每欲到

荆州荆州即江陵也公往在江陵寒食出遊有宋玉邊庭不見人之句

莫忘蹋芳菲

## 題百葉桃花

韓曰知制誥時作

百葉桃花晚更紅  
臨窻映竹見玲瓏

臨一作窻

應知侍史歸

天上故伴仙郎宿禁中

集注應劭漢官儀曰尚書入直臺麻中給侍史一人女侍史二

人皆選端正者侍史從至止車門還女侍史祭褓服執香爐燒薰以從入臺中給使護衣服也天上謂內庭公  
以考功郎中知制誥寓直禁掖故云

### 春雪

新年都未有芳華  
二月初驚見草芽  
白雪却嫌春色晚  
故穿庭樹作飛花

### 戲題牡丹



樊曰段成式酉陽雜俎云前史無說牡丹者  
惟謝康樂集言竹間水際多牡丹成式檢  
朝俚植法初不說牡丹則知隋朝花藥中所  
無也開元末裴士淹奉使回至汾州得白牡  
丹一粟植於長興私第至德中馮僕射領太  
原各得紅紫二色者移於城中元和初猶少  
今與戎葵  
角多少矣

幸自同開俱隱約何須相倚闌輕盈凌晨併作新粧面  
對客偏含不語情雙鶯無機還拂掠游蜂多思正經營  
長年是事皆拋盡今日欄邊暫眼明

# 盆池五首

洪曰劉貢父云退之古詩高卓至律詩雖可  
解苦要有不工者老翁真箇似童兒此真諧  
語為戲耳或云盆池詩有天工如拍岸才添  
水數瓶一夜青蛙鳴到曉非意到不能作也

老翁真箇似童兒  
汲水埋盆作小池  
一夜青蛙鳴到曉

韓曰漢書顏師古注蛙

恰如方口釣魚時

方口地名一作枋

似蝦蟆而長脚其色青

莫道盆池作不成  
藕梢初種已齊生  
從今有雨君須記

有雨一作雨

來聽蕭蕭打葉聲

葉荷葉

作雨

瓦沼晨朝水自清  
小蟲無數不知名  
忽然飛散無蹤影

飛一本

唯有魚兒作隊行

作分

渥盆淺小詎成池夜半青蛙聖得知

孫曰盆池初成青蛙已至故如聖也

聖一作聽

一聽暗來將伴侶不煩鳴喚闔雄雌

韓曰漢武帝元鼎五年秋

蝦蟆開孫曰言不煩

雌雄鳴喚相和也

池光天影共青青拍岸纔添水數餅且待夜深乘月去

試看涵泳幾多星

涵泳游泳也樊曰此聯妙語也蘇內翰有涵星研取此意云

### 芍藥

樊曰謝朓直中書省云紅藥當階翻公嘗和席八舍人云傍砌看紅藥至是知制誥直禁

中故亦

有此

浩態狂香昔未逢紅燈爍爍綠盤龍

孫曰紅燈爍爍以喻其花綠盤龍以

前其覺來獨對忽驚恐

蔡本作清驚恐

身在仙宮第幾重

和虢州劉給事使君三堂新題二十一詠

并序

孫曰開元中岐薛等五王迭為此州作三堂後刺史馬錫改作遂有名於世三堂者取臣子在三之節

虢州刺史宅連水池竹林往往為亭臺島渚

孫曰水中

小洲曰渚渚汜也

目其處為三堂劉兄自給事中出刺此州在

任逾歲職修人治州中稱無事頗復增飾從子弟而遊

其間又作二十一詩以詠其事流行京師文士爭和之



月臺

南館城陰閣東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

芙蓉

花荷

竹溪

唐本作渚前亭

藹藹溪流漫

一作慢

稍稍岸篠長

篠細竹也祝曰宋玉笛賦奇篠異篠。篠先鳥

切

穿沙碧幹淨

幹古早切

落水紫苞香

北湖

聞說遊湖棹尋常到此迴應留醒心處準擬醉時來

花島

蜂蝶去紛紛香風隔岸聞欲知花島處水上覓紅雲

柳溪

柳樹誰人種行行夾岸高

行胡郎切

莫將條繫纜

纜纜輓紅索力憾切

著處有蟬號

著直畧切

西山

新月迎宵掛晴雲到晚留為遮西望眼終是懶迴頭

竹逕

無塵從不掃有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼祝曰撼撼墮落聲

撼撼芳葉零落岳秋興賦庭樹撼以灑落公詩又有撼撼井梧疎更碩之句○撼音索那似卷翻

翻

稻畦



卦布畦堪數

孫曰卦布者如八卦分布畦畦。數所矩切卦布一本作畝周。

枝分水

莫尋魚肥知己秀

秀稻花也

鶴沒覺初深

柳巷

柳巷還飛絮春餘幾許時吏人休報事公作送春詩

花原

一作源

源上花初發公應日日來丁寧紅與紫慎勿一時開

北樓

郡樓乘曉上盡日不能迴晚色將秋至長風送月來

鏡潭

非鑄復非鎔泓澄忽此逢

泓鳥宏切

魚鰕不用避祇是照蛟

龍

孤嶼

朝遊孤嶼南

祝曰嶼水中洲也選亂流趨孤嶼嶼音叙

暮戲孤嶼北所以

孤嶼鳥與公盡相識

方橋

非閣復非船可居兼可過君欲問方橋方橋如此作

祝曰

廣韻作造也吳  
人以作為佐

# 梯橋

乍似上青冥

青冥  
青霄

初疑躡菡萏

菡萏  
荷花

自無飛仙骨欲度

何由敢

孫曰橋如  
梯狀故云

# 月池

寒池月下明新月池邊曲若不妬清妍却成相映燭

遊城南十六首

樊曰遊城南十六首未必  
一日所作編者集之云爾

# 賽神

孫曰賽謂禱賽字本作塞漢書郊祀志云冬塞禱祀廣陵厲王殺牛塞禱是也今作賽○

賽悉

代切

白布長衫紫領巾

巾巾

差科未動是閑人麥苗含穗桑

生甚

孫曰稂秀也與穗同甚桑實詩食我桑

共向田頭

樂社神

### 題于賓客莊

孫曰于頓字允元元和八年為太子賓客樊曰公作此詩時頓死矣故其落句云云

榆莢車前蓋地皮

集注釋木云榆莢榆錢爾雅云白榆車前草名釋草云一名棠莢一名馬

馬郭璞云大葉長穗好生道邊江東呼為蝦蟆衣又陸  
璣云馬馬一名車前一名當道喜在牛跡中生。車尺

遮切 薔薇蘸水筍穿籬孫曰薔薇花名蘸馬蹄無入朱門

跡縱使春歸可知知春歸謂春到也

### 晚春

草樹知春不久歸草樹草木也一本作草木百般紅紫闌芳菲楊花

榆莢無才思惟解漫天作雪飛

### 落花

已分將身著地飛分扶那羞踐蹋損光輝無端又被春

風誤吹落西家不得歸

楸樹二

幾歲生成為大樹一朝纏繞困長藤誰人與脫青羅帔  
看吐高花萬萬層

幸自枝條能樹立

幸自一作自幸

何煩羅蔓作交加

孫曰羅蔓草名

詩萬與女蘿爾雅云一名无絲

傍人不解尋根本却道新花勝舊花

風折花枝

浮艷侵天難就看清香撲地可遙聞

撲弼角切可字一本作只

春風

也是多情思故揀繁枝折贈君

故字一本作特又一本云故折花枝特贈君

### 贈張十八助教

孫曰張十八籍也時

為四門國子助教

喜君眸子重清朗

韓曰籍嘗病眼故云樊曰籍亦有詩云三年病眼今年校

攜手城

南歷舊遊忽見孟生題竹處相看淚落不能收

孫曰公與孟郊

嘗遊此有城南聯句在集中至是郊死矣郊以元和九年八月卒

### 題韋氏莊

樊曰城南韋曲在唐最盛名與杜陵相埒當時語曰城南韋杜去天尺五杜子美贈韋諷

善詩所謂時論同歸尺五天是也  
時莊已衰矣故公所題詩語如此

昔者誰能比今來事不同寂寥青草曲散漫白榆風架

倒藤全落籬崩竹半空寧湏惆悵立

湏一作知  
一作招翻覆本

無窮

晚雨

廉纖晚雨不能晴

廉纖細雨也一本作  
晚雨廉纖不能晴

池岸草間蚯蚓

鳴投竿跨馬蹋歸路繞到城門打鼓聲

門一作  
閑

出城



暫出城門踏青草遠於林下見春山應須韋杜家家到

韋杜見上注

只有今朝一日閑

把酒

擾擾馳名者誰能一日閑我來無伴侶把酒對南山

一對一

謝作

嘲少年

直把春償酒都將命乞花

乞與人物也  
乞音氣

祇知閑信馬不

覺誤隨車

楸樹

青幢紫蓋立童童

孫曰幢幡幢也蜀先主傳舍東南角有桑樹童童如小車蓋童童茂盛貌

江○幢傳切

細雨浮烟作綵籠不得畫師來邀取

邀邀墓也○邀莫角切

一本作貌取

定知難見一生中

遠興

一作造興

斷送一生惟有酒尋思百計不如閑莫憂世事兼身事  
須著人間比夢間

贈同遊

補注此篇今諸本云其辭而見於外集按舊  
本次風折花枝後或謂當在把酒下未詳姑  
載于此以備  
十六章之詩

喚起窻全曙催歸日未西無心花裏鳥更與盡情啼

洪曰

魯直云吾兒時每誦此詩而了不解其意自出峽來吾  
年五十八矣時春晚偶憶此詩方悟之喚起催歸二禽  
名也占人於小詩用意精深如此況其大者乎蓋其學  
問淵源有五石六鷗之旨催歸子規也喚起聲如人絡  
絲員轉清亮偏於春晚鳴江南謂之春喚補注復齋漫  
錄云予嘗讀唐顧渚茶山記曰顧渚山中有鳥如鸛鶴  
而色蒼每至正二月作聲曰春起也三四月云春去也  
柰茶人呼為喚春鳥然則喚起之名唐人已說矣豫章  
不舉為  
證何耶

五百家註昌黎文集卷九

五百家註昌黎文集卷十

宋 魏仲舉 編

律詩

送李尚書赴襄陽八韻

得長字

孫曰李遜字大遒荊州石首人元和十年十月分山南東道為兩節度使以遜檢校工部尚書為襄州刺史充襄後郢均房節度使以右羽林將軍高霞寓為唐州刺史充唐隨節度使遜赴襄陽廷臣送者三十餘人分韻賦詩太常卿許孟容為之序韓曰按遜本傳遜戶部侍郎為山南東道節度使又按襄州石本題名銜云檢校工部尚書李遜將遜監

自尚書而  
出史略之

帝憂南國切

孫曰詩序召伯之教明于南國南國謂南方之國

改命付忠良

孫曰先走

山南東道節度使嚴綬討吳元濟無功罷為太子少保乃以遜為節度故云改命忠良謂遜也

壤畫星

搖動

孫曰壤畫謂分畫其土壤為兩節度也九州之地皆有分星因壤畫故分星搖動也

旗分獸

簸揚

孫曰周禮熊虎為旗分賜也旗分謂分賜之以旌旗獸即熊虎之屬○簸音播

五營兵轉

肅

孫曰後漢張奐率五營士圍寶武武自殺五營士謂禁旅韓曰五營謂遜所部五州

千里地還

方

韓曰孟子海內之地方千里者九

控帶荆門遠飄浮漢水長賜書寬

屬郡戰馬隔隣疆縱獵雷霆迅觀碁玉石忙風流峴首

零

峴山名在襄陽樊曰晉羊叔子登峴山從事鄒湛  
曰公名當與此山俱峴首客謂湛也○峴胡典切

花

艷大堤倡

大堤地名在襄陽韓曰宋隋王誕為襄陽郡  
聞諸女歌因為詞曰朝發襄陽城暮至大堤

曲大堤諸女兒  
花艷驚郎日

富貴由身致誰教不自強

## 和席八十二韻

樊曰席八或以為席諫非也當是席葢按諱  
行錄席葢行八貞元十年進士劉公嘉話云  
韓十八初貶席十八舍人為詞嘉話以席八  
為席十八唯元微之和樂天詩有云尋傷掌  
誥狙其下箋云去年聞席八歿而范攄雲谿  
友議記劉夢得語云與呂化光論制誥而鄙  
席舍人義是以知席八為席葢也明矣公以  
元和十一年與之同掌誥故有倚市吹竽之

句十二  
年歲卒

絳闕銀河曙

絳闕丹闕

東風右掖春

韓曰應劭漢官儀中書為右曹稱西掖孫曰正

門之兩旁曰掖

官隨名共莢花與思俱新綺陌朝遊間

孫曰綺謂阡陌

如綺綺也南北曰阡東西曰陌阡陌謂徑路也間礙也

綾衾夜直頻

孫曰漢官典職儀曰尚書

郎入直供青綾白綾被直宿直

橫門開日月高閣切星

也韓曰又漢內臣卧青綾被

辰

切近也庭變寒前草天銷霽後塵溝聲通苑急柳色壓

城勾綸綉謀猷盛

孫曰禮記王言如綸其出如綉綸絲綸綉大索○綸音倫綉音弗

丹青

步武親芳菲含斧藻

孫曰揚子吾未見斧藻其德若斧藻其素者斧藻文飾也

光景



暢形神傍砌看紅藥

樊曰謝朓中書省詩云紅藥當階翻紅藥芍藥也席八為舍人故公

有此巡池詠白蘋

孫曰柳惲為吳興太守有江南曲云汀洲採白蘋日落江南春詩意以席

比柳惲也多情懷酒伴

懷一作怯

餘事作詩人倚市難藏拙

韓曰漢書

刺繡文不如倚市門市字一本作玉

吹竽久混真

樊曰韓子齊宣王使人吹竽必三百人南郭先

生不知竽者而濫於三百人中以吹竽食祿後王即位曰寡人之好竽欲一一吹之南郭先生乃逃

坐慙

空自老江海未還身

孫曰自倚市以下公自喻也

## 和武相公早春聞鶯

孫曰相公名元衡元和二年十月自門下平章事出為西川節度使樊曰元衡以元和八

年三月自西川節度使拜相公此篇與所  
和孔雀皆元衡拜相後追和其鎮蜀時作

早晚飛來入錦城

錦城成都

誰人教解百般鳴春風紅樹驚

眠處似妬歌童作艷聲

### 大安池

韓曰唐長安有大安宮有大安亭而大安池  
未嘗載見宣安樂公主所鑿定昆池耶安樂  
公主中宗女景龍中請昆明為私沼中宗不  
予主恣自鑿定昆池延袤數里詩所謂當年  
欲占春者  
以此耳

公主當年欲占春

當年一作常年

故將臺榭壓城闌

音目

欲知前

面花多少

補注少字一本作處筆墨間錄云令狐澄本作多少字勝處字十倍矣

直到南

山不屬人

晚春

誰收春色將歸去

將歸去一本作歸將去

慢綠妖紅半不存

妖一作天

榆莢只能隨柳絮等閑撩亂走空園

大行皇太后挽歌詞

三首

孫曰韋昭云大行者不反之辭天子皇后崩未有謚故稱大行皇太后姓王氏憲宗之母順

宗之

后

一紀尊名正

樊曰順宗在東宮冊王氏為良娣及即位將立為后會病棘而止憲宗永貞元年八

月受禪立為太上皇后元和元年五月尊為皇太后十一年三月崩永貞元年歲在丁酉至是丙申十二年矣

故云一紀尊名正也

三時孝養榮

孫曰禮記文王之為世子朝於王季日三雞初鳴日中及暮此

謂三時也。養移虎切

高居朝聖主

孫曰朝聖主謂為聖主所朝也

厚德載羣生

孫曰易坤厚載物辟生物也

武帳虛中禁玄堂掩太平

韓曰齊謝朓敬皇后哀冊

文曰翠帟舒卓玄堂啟扉玄堂山陵

秋天笳鼓歇

孫曰十一年八月葬宣陵謚莊憲秋天謂此八

月也。加音加

松栢徧山鳴

威儀備吉凶文物雜軍容配地行新祭

孫曰漢光武帝中元元年上文帝

母薄太后曰高

皇太后配食地

因山託故封

陵故云

鳳飛終不反

孫曰列仙傳蕭史教秦穆公女弄玉吹簫作鳳聲鳳凰來止其屋一

旦皆隨鳳

風飛去

劍化會相從

曰此干將也莫邪安在天生神物終當合耳華誅夫劍所在與化其子華持劍經延平津忽于腰間躍出墮水

化為兩龍各長數丈華曰張公終合之論此其驗乎補注王介甫曰此非君臣所宜言近于蹟也樊曰莊愆後

順宗崩公故云

無復臨長樂

謂近乎蹟非也

孫曰叔孫通傳惠帝東朝長樂宮長樂漢時皇太后

所居

空聞曉暮鐘

曉暮鐘一本

宮名

追攀萬國來警衛百神陪

警猶警

畫翬登秋殿

韓曰世

本云周

制以王后夫人車服輦車有翼即某雉羽為扇以障風  
 塵也孫白禮喪服大記黼翼二獸翼二畫翼二注云漢  
 制以小為筐廣三尺高二尺四方兩角高衣以布○畫  
 者畫雲氣其餘各如其象柄長五尺車行使人持之而  
 從既定樹於壙容衣入夜臺孫曰容衣蓋服喪大記歸  
 棺君龍帷三池振容注云  
 中○晏所甲切青質五色畫之於絞繒而垂之以為振容容衣蓋謂此  
 也韓曰送陸士衡挽歌送子長夜臺謂閉墓無復見明  
 也

雲隨仙馭遠風助聖情哀只有朝陵日粧奩一暫開

奩鏡奩也孫曰漢明帝謁原陵見太后鏡奩中物感  
 動悲涕令易脂澤裝具左右皆泣奩與奩同音廉

## 廣宣上人頻見過

某注廣宣蜀僧有詩名元和中住長安安國  
 寺白樂天所云廣宣上人詔許居安國寺紅

樓院以詩供奉是也宣有詩號紅樓集唐藝  
文志又有宣與令狐楚唱和一卷劉夢得集  
中亦有因呈廣宣上人二詩其  
在中都與公數往來無足怪也

三百六句長擾擾

韓曰書三百有六句有亦  
日以閏月定四時成歲

不衡風雨

即塵埃久為朝士無禪補

禪音卑為  
字一作慙

空愧高僧數往來

數音學道窮年何所得吟詩竟日未能迴天寒古寺遊

人少紅葉窓前有幾堆

### 閒遊二首

樊曰公時自中書

舍入降右庶子

雨後來更好繞池徧青青柳花閒度竹菱葉亂穿萍

字菱

一作交亂  
字一作故

獨坐殊未厭孤斟詎能醒

音星

持竿至日暮幽

詠欲誰聽

茲遊苦不數再到遂經旬

到一作至  
經一作兼

萍蓋污池淨藤籠

老樹新林鶯鳴訝客

鶯一作鳥

岸竹長遮隣子雲祇自守

樊曰

揚子雲傳哀帝時丁傳董賢用事諸附麗之者咸起家至二千石雄方草太玄有以自守泊如也

奚事

九衢塵

韓曰三輔舊事長安城中八街九陌

酬馬侍郎寄酒



孫曰馬侍郎名摠字會元扶風人樊曰以子  
厚曹溪大鑒碑考之摠以元和八年廉問嶺  
南十年冬尚留鎮其召入為刑部侍郎則十  
一年也明年兼御史大夫副裴度宣慰淮西  
一壺情所寄四句意能多秋到無詩酒其如月色何

### 和侯協律詠筍

樊曰侯協律喜也或云公意專以譏時相自  
得時方張王至蛇虺首掀掀大抵言其挾勢植  
黨包藏姦慝之狀如此宣李逢吉之謂耶是  
時裴度欲討蔡逢吉引其黨令瓜楚蕭悅等  
沮之公亦坐忤宰相意  
自中書舍人降右庶子

竹亭人不到新筍滿前軒乍出真堪賞初多未覺煩成

行齊婢僕環立比兒孫驗長常攜尺愁乾屢側盆對吟

忘膳飲偶坐變朝昏

偶坐偶對

滯雨膏腴濕驕陽氣候溫得

時方張王

祝曰張王興盛貌左氏隋張必弃小國太元經用事者王○張音帳王音旺

挾勢

欲騰騫

騫一作騫

見角牛羊没看皮虎豹存攢生猶有隙

攢音

嶺

散布忽無垠詎可持籌算誰能以理言

以一作無者非

縱橫

公占地羅列暗連根狂劇時穿壁群強幾觸藩

孫曰易大壯猷

羊觸藩藩離也

深潛如避逐遠去若追奔始訝妨人路還驚入

藥園萌芽防寢大覆載莫偏恩已復侵危砌非徒出短

坦身寧虞瓦礫

音歷

計擬掩蘭蓀且歎高無數庸知上幾

番短長終不校先後竟誰論外恨苞藏密

孫曰包藏擇也

中仍

節目繁暫須迴步履要取助盤飧穰穰疑翻地

穰如兩

森

森競塞門戈矛頭戢戢

戢戢多貌

蛇虺首掀掀

音軒

婦懦咨聊

揀兒癡謁盡侯生來慰意

一作我

詩句讀驚魂屬和才

將竭呻吟至欲瞰

孫曰呻吟誦詠也瞰日出貌○瞰化昆切

### 過鴻溝

韓曰漢高帝四年項羽與漢中分天下割鴻溝以西為漢東為楚羽解而東歸漢王欲西

歸張良陳平諫乃止樊曰應劭注鴻溝在滎  
陽東二十里此詩公從裴晉公平蔡入汴過  
鴻溝作也此下皆

隨晉公伐蔡詩

龍疲虎困割川原

孫曰龍虎以喻劉項  
川原即謂鴻溝也

億萬蒼生性命

存誰勸君王迴馬首

孫曰勸謂良平  
所勸見題注

真成一擲賭乾坤

### 送張侍郎

孫曰元和十二年張賈初自兵部侍郎  
出為華州刺史侍郎又一本作侍御

司徒東鎮馳書謁

孫曰元和十年正月加宣武節度使  
韓弘為司徒九月以為淮西行營兵

馬都統東鎮謂宣武持  
書謂已持書往謁弘也

丞相西來走馬迎

孫曰元和十  
二年七月以

宰相裴度為淮西宣慰處置等

雨府元臣今轉密

孫曰元大

使走馬迎謂已走馬迎度也

也兩府即一方遁寇不難平

謂弘度

### 贈刑部馬侍郎

韓曰愔本傳元和四年為安南都護八年使杜管觀察使入為刑部侍郎十二年裴晉公

平蔡奏總為

副詩故及之

紅旗照海壓南荒

孫曰愔為嶺南節度尋召為刑部侍郎故云壓南荒也

徵入中

臺作侍郎

韓曰漢官尚書為中臺御史為憲臺詔者為外臺中臺一作臺中非也

暫從相

公平小寇

樊曰晉公微時遊洛一日策蹇上天津橋有二老人語曰蔡州何時得平忽見公愕然曰

須待此人為特僕聞其語以告公曰見我龍鍾故相戲  
耳事見唐康駢劇談錄蔡州終待公後平天津老人亦  
矣便歸天闕致時康

# 和裴相公東征塗經女几山下作

樊曰女几山在河南府福昌縣三十四里白  
樂天云晉公出討淮西過女几山下題詩云  
侍平賊壘報天子莫指仙山示武夫而公此  
詩和云敢請相公平賊後暫攜諸吏上崢嶸  
其年果  
如所言

旗穿曉日雲霞集

一作雜

山倚秋空劒戟明

洪曰一士人云以我之旗

况彼雲霞以彼之山况我創  
戰詩又謂之迴鶻舞鳳格

敢請相公平賊後暫攜諸

更上崢嶸

郾城晚飲贈副使馬侍郎馮宿李宗閔二員外

孫曰元和十二年四月吳元濟郾城守將鄧  
懷金以城來降七月以宰相裴度為淮西宣  
慰使以刑部侍郎馬摠兼御史大夫充副使  
以郾城為行蔡州公以右庶子兼御史大夫  
充彰義軍行軍司馬司勳員外郎李正封都  
官員外郎馮宿禮部員外郎李宗閔皆兼侍  
御史為判官書記○郾音偃  
又一本侍郎字下有及字

城上赤雲呈勝氣眉間黃色見歸期

韓曰蔡未平數月  
前吳武陵自峽石

望東南氣如旗鼓牙盾皆顛倒橫斜少遲黃白氣出西  
北盤蛇相交武陵告公曰今西北王師所在氣黃白喜

象也敗氣為賊日直木舉其盈數  
不問六十日賊必亡矣見新傳

幕中無事惟須飲即

是連鑣向關時

韓曰說文云鑣馬  
銜也○鑣蒲騶切

別留後馬侍郎

韓曰蔡平度留認蔡州知彰義  
軍節度使留後公此詩所以別也

為文無出相如右

樊曰相如司馬相如也漢武帝擢居  
左右時淮南王安善為文詞帝甚尊

重之每為報書及賜常  
召相如等視草乃遣

謀帥難居卻穀先

孫曰舊二十  
七年左氏晉

史公作三軍謀元帥趙衰曰卻穀可臣至聞  
其言矣說文樂而歌詩書○卻音陳穀音斛

歸去雪銷

秦消動

補注秦消二水名秦在  
河南消在鄭動流也

西來旌旆拂晴天

孫曰言  
總行亦



召歸故云  
其西來

# 同李二十八夜次襄城

孫曰李二十八名正封  
次舍也襄城汝州縣名

周楚仍連接川原乍屈盤雲垂天不暖塵漲雪猶乾印

綬歸台室旌旗別將壇

樊曰印綬歸台室謂裴度復入  
為宰相旌旗別將壇謂馬摠留

蔡為  
留後欲知迎候盛騎火萬星攢

# 同李二十八員外從裴相公野宿西界

樊曰公與李正封從晉公十一月二十八日  
自蔡入朝十二月十六日至自蔡則知殘年

過襄城矣

落句可見

四面星辰著地明

著直畧切

散燒煙火宿天兵不閑破賊須

歸奏自趣新年賀太平

過襄城

見前詩注

鄆城辭罷過襄城

樊曰鄆城屬許州晉公行蔡州治所襄城則汝州也○鄆音偃

潁水

嵩山刮眼明

孫曰潁水嵩山皆在洛陽界

已去蔡州三百里家人不

用遠來迎

宿神龜招李二十八馮十七

樊曰汝州有神龜驛臺按九域志開皇初建  
李謂正封馮謂宿也一本馮十七作馮八

荒山野水照斜暉  
啄雪寒鷗趁始飛  
夜宿驛亭愁不睡  
幸來相就蓋征衣

### 次峽石

韓曰峽石峽州縣名去潼  
關為近故可隱約見之

數日方離雪今朝又出山  
試憑高處望隱約見潼關  
和李二十八司勳連昌宮

樊曰李正封也連昌宮在河南壽安縣之二  
十九里按志高宗顯慶三年置然詩落句云

云疑為明皇所作而元微之連昌宮辭大槩亦詠明皇帝或云開元中曾葺之耳公從晉公平淮西回過壽安而作一本題云和李司空勲過連昌宮

夾道疎槐出老根高甍巨桷壓山原

堯莫耕切

宮前遺老來

相問今是開元幾葉孫

次潼關先寄張十二閣老使君

孫曰潼關在華州華陰縣界張閣老即謂華州刺史也公嘗有送張為華州詩補注國史

補云兩省相呼為閣老

荆山已去華山來

孫曰史記黃帝鑄鼎荆山下荆山在漢馮翊懷德縣華山太華也在華陰

縣東樊曰荆山在襄之南漳北云與華山相次  
則河南之荆山也按志在壽安縣南三十五里  
日照潼

關四面開

照一作出面一作扇

刺史莫辭迎候遠相公親破蔡州

廻

親一作新李公彦云當作親

## 次潼關上都統相公

孫曰元和十年正月加宣武軍節度使韓弘守司徒九月以弘為淮西行營兵馬都統

暫辭堂印執兵權

孫曰執兵權即謂為都統也

盡管諸軍破賊年冠

蓋相望催入相待將功德格皇天

補注書曰在太甲時則有若伊尹格于皇天

## 桃林夜賀晉公

樊曰桃林書武成所謂放牛於桃林之野舊為陝州縣名天寶初改為靈寶縣

西來騎火照山紅夜宿桃林臘月中手把命珪兼相印

一時重疊賞元功

孫曰元和十二年十二月以彰義軍節度淮西宣慰處置使門下侍郎平

章事裴度可本官賜上柱國晉國公食邑三百戶韓曰除命在十二月壬戌其年十二月丙辰朔則壬戌其月七日也度以其月十六日方至自蔡則前所除命蓋在公未入朝之前故公此詩夜賀晉公於桃林也

### 送李員外院長分司東都

李員外正封樊曰從裴相出征凡三員外李正封馮宿李宗閔及還宿遷比部郎中宗閔遷駕部郎中知制誥獨正封至是猶曰李員外正封無傳不能詳也

去年秋露下羈旅逐東征

祝曰羈旅旅寓也周禮以甸聚待羈旅孫曰謂十二年八

月征吳元濟時

今歲春光動驅馳別上京

孫曰謂十三年春季分司

○許宜切

東都上京

飲中相顧色送後獨歸情兩地無千里

孫曰兩地

京師也

謂東

因風數寄聲

晉公自蔡州入覲塗中重拜台司以詩示幕中

賓客愈因和之

一本題云晉公破賊回重拜台司以詩示幕中賓客愈奉和

南伐旋師太華東

樊曰桃林在太華之東謂桃林也○華胡化切

天書夜到冊

元功將軍舊歷三司貴

孫曰將軍謂淮西宣慰使三司所謂三公也

相國新

兼五等崇

韓曰書列爵惟五注五等之爵公侯伯子男也度封晉國公故云

鴛鴦欲歸仙

仗裏

孫曰鴛鴦謂幕中諸僚

熊罷還入禁中營

韓曰書夫子尚桓桓如虎如貔如熊

如熊孫曰度東征以神策軍三百人衛從熊罷謂此禁旅也

長慙典午非材識

孫曰

典司午馬也公為行軍司馬故云典午譙周以蜀降時晉文王為魏相下書辟周周曰典午忽兮月酉沒兮典午謂司馬月酉八月也八月文王果崩識字一本作職

得就閑官即至公

### 獨釣四首

樊曰二章云坐厭視刑柄為刑部侍郎時作釣字一本作酌



侯家林館勝

孫曰侯家謂公侯之家

偶入得垂竿曲樹行藤角平

池散芡盤

芡音餘

羽沉知食快

一作快

緝細覺牽難

緝釣

聊

取夸兒女榆條繫徙鞍

一逕向池斜池塘野草花雨多添柳耳水長減蒲芽坐

厭親刑柄

親刑見題注坐厭一作厭坐

偷來傍釣車太平公事少吏

隱詎相餘

韓曰選王康琚反招蒐詩小隱隱林藪大隱隱朝市伯夷竄首陽老聃伏柱史皆言吏隱

也詎豈也

餘故也

獨往南塘上秋晨景氣醒露排四岸草風約半池萍

約隱也

鳥下見人寂魚來聞餌馨所嗟無可召不得倒吾餅

秋半百物變溪魚去不來風能坼芡背露亦染梨頤

一本

風能作風後露亦作

露液魯直所改云

遠岫重疊出寒花散亂開所期終

莫至日暮與誰迴

### 枯樹

老樹無枝葉風霜不復侵腹穿人可過皮剥蟻還尋寄

託惟朝菌

孫曰莊子朝菌不知晦朔朝菌大芝也天陰則生糞土見日則死。菌巨韻切

依

投絕暮禽猶堪持改火

樊曰論語鑽燧改火馬融曰周書令有改火之文暮取榆柳之

火要取冬杏之火李要取桑柘之火秋取柞栢之火  
冬取榿槐之火一年之中錯火各異木故曰改火也  
未

肯但空心

元日酬蔡州馬十二尚書去年蔡州元日見寄

之什

源曰元和十二年十二月以蔡州留後馬摠  
檢校工部尚書蔡州刺史充彰義軍節度使  
十三年元日有詩寄公五月以摠為許州刺  
史忠義軍節度使陳許潁蔡觀軍等使十四  
年元日公以此詩酬之

元日新詩已去年蔡州遙寄荷相憐今朝縱有誰人領

自是三冬不敢眠

冬一作岑

# 同侯十一詠燈花

祝曰侯喜字叔起行十

一或曰此詩極似少陵

今夕知何夕

韓曰詩綢繆云今夕何夕見此良人

花然錦帳中自能當雪

暖那肯待春紅囊裏排金粟

囊字一本作黃又一作屋或曰黃粟事出漢書黃屋

注天子居以黃繒為蓋衆云云

釵頭綴玉蟲更煩將喜事

孫制西京雜記曰目闕得

酒貪燈花得錢財韓曰杜詩燈花何太喜

來報主人翁

## 祖席

得前字樊曰世傳此二詩公為王涯作涯字  
廣津元和初其甥皇甫湜對策忤宰相涯因

是貶虢州司馬徙為袁州  
詩云宜春即謂袁州也

祖席洛橋邊

孫曰公時分司東都故云洛橋邊也

親交共黯然

孫曰江淹別賦黯黯

銷魂唯別而已

野晴山簇簇霜曉菊鮮鮮書寄相思處  
孟街欲

別前

孫曰街孟牧謬

淮南知不薄

韓曰漢武帝召汲黯為淮陽太守黯不受印綬上曰君薄

淮陽耶吾今召君矣南字一作陽

終願早迴船

又

得秋字一云傷秋

淮南悲木落

孫曰楚詞悲哉秋之為氣也蕭瑟兮草木搖落而變衰淮南謂淮南王安也此木宋

王之嗣今云

今我亦傷秋

今一作而

况與故人別那堪羈宦

愁

韓曰暹陸士衡赴洛詩羈旅遠遊宦

榮華今異路風雨苦同憂莫以宜

春遠江山多勝遊

樊曰此詩公自題其後云兩詩何處好就中何處佳何處惡

### 送鄭尚書赴南海

得來字祝曰鄭尚

書名權序在集

番禺軍府盛

祝曰番禺廣州屬縣前漢尉陀所都咸會番禺注即今之廣州樊曰舊唐史志南海

即漢番禺縣武德四年置廣州番禺山州東三百步禺山在北一里○番禺音潘禺音愚

欲說暫停盃

蓋海旂幢出連天觀閣開衙時龍戶集

韓曰南部新書長安有龍戶見

水色則知有龍或引出但鯢魚而已

上日馬人來

韓曰後漢馬援討尋邑蠻以不能還者數十人留於

象林南界所鑄銅柱下南蠻呼為馬留人見新史南蠻傳

風靜鷓鴣去

祀曰鷓鴣海鳥左氏祀爰居選海鳥

鷓鴣避風而至樊曰國語海鳥曰鷓鴣止於魯東門之外三日展禽曰今臨海其有災也夫廣川之鳥獸常避其災也是

歲也海多大風

官廉蚌蛤迴

樊曰東漢孟嘗為合浦太守郡不產較寶而海多珠寶先

時守宰貪穢珠徙交趾

貨通師子國

韓曰師子國在南海中延袤二千餘里國史補

害到官易前弊珠復還

樂奏越王臺

樊曰越王南越王趙它也它初行南海尉事漢十一

云師子國舡最大梯而上下數丈皆積寶貨云云

年立為南越王孫曰臺在州城西北三四里越字一作武

事事皆殊異無嫌屈大才

荅道士寄樹鷄

祝曰樹鵲木

耳之大者

軟濕青黃狀可猜欲烹還喚木盤迴煩君自入華陽洞

韓曰茅君內傳大天之內有玄中之洞六十  
三所第八句曲山之洞曰金壇華陽之天

直割飛龍

左耳來

樊曰飛龍左  
耳取譬也

左遷至藍關示姪孫湘

集注漢時依上古法朝列以右為尊故謂降秩  
為左遷藍關即秦之崤關在今藍田縣湘字北  
渚按西陽雜俎云韓侍郎有疎從子姪自江淮  
來年少狂率韓青之謝曰某有一藝因指階前  
牡丹曰要此花青紫黃赤唯命韓試之乃掘窠  
治根七日花發色白紅厯綠每朵有一聯詩字



色紫乃公出關時詩雲橫秦嶺家何在雪擁藍關馬不前韓大驚異後辭歸江淮終不願仕青瑣高議云湘公姪落魄不羈公勉之學乃笑作詩有能開頃刻花之句公曰汝能奪造化開花乎湘遂聚土覆盆良久曰花已發矣舉盆乃碧花二朶葉間有小金字乃詩一聯云雲橫秦嶺家何在雪擁藍關馬不前公未曉詩意湘曰事久方驗公後貶潮陽途有一人冒雪而來乃湘也湘曰憶向花上之句乎公詢地名即藍關嗟嘆命筆續成全篇迺此詩也二說互不同公逸詩有徐州贈族姪云自言有奇術探妙知天工意若指此東坡有冬日牡丹詩云使君要見藍關詠須倩韓郎為染根則是亦引用酉陽雜俎事筆墨間錄云公此詩仁且有禮非志仁義者不能也

一封朝奏九重天夕貶潮州路八千

孫曰元和十四年公為刑部侍郎上

表極諫佛骨事帝大怒將抵死持示宰相崔羣裴度羣度力言愈忠願少寬假以來諫諍帝稍解乃貶潮州刺史

史州字一

欲為聖明除弊事

欲一作本

豈將衰朽計殘年

一本

本作陽

作豈於衰暮計殘年又一本作惜殘年

雲橫秦嶺家何在雪擁藍關馬不

前

見題注

知汝遠來應有意好收吾骨瘴江邊

韓曰左傳秦使蹇叔

之子伐晉蹇叔哭而送之曰晉人樂師必於般般有二陵必死是間余收爾骨馬

武關西逢配流吐蕃

孫曰唐志武關在商州商洛縣之東樊曰公謫潮州自藍田入商洛於武關西見作

嗟爾戎人莫慘然

戎一作胡

湖南地近保生全

地近一作地

我今

罪重無歸望直去長安路八千

### 次鄧州界

潮陽南去倍長沙

樊曰漢賈誼為長沙王太傅長沙渾州在唐隸江南西道而潮陽在嶺南

距長安八千里故曰倍云

戀闕那堪又憶家心訝愁來惟貯火

惟一作誰

眼知別後自添花商顏暮雪逢人少

商顏商州樊曰前漢溝洫志引洛水

至商顏下注商山之顏譬人之顏頤也

鄧鄱春泥見驛賒

鄧鄱州鄱遠也韓曰威

公九年楚子使道朔將巴客聘於鄧鄧南鄱鄱人攻而奪之幣

早晚王師收海嶽

孫曰時征

東平李師道  
至二月賊平  
普將雷雨發萌芽

### 題臨瀧寺

樊曰臨瀧潮州縣名唐武德四年置貞觀之  
八年省志云孫白東南人謂瀧為瀧瀧音雙

不覺離家已五千仍將衰病入瀧船  
潮陽未到人先說

人先說一作先聞說

海氣昏昏水拍天

水一作浪

晚次宣溪辱韶州張使君惠書叙別酬以二章

補注筆墨間錄云潮州以後詩最  
哀深次宣溪純句等詩絕有味

韶州南去接宣溪

洪曰韶州今本  
作潮州非是

雲水蒼茫日向西

淚數行先自落

先一作元

鷓鴣休傍耳邊啼

孫曰鷓鴣鳥名以雉而南飛

兼金安足比清文

孫曰孟子餽兼金石鎰兼金美金韓曰選王僧達荅顏延年詩誦以運周

旋匣以代兼金注兼金最好金也安字一作那

白首相隨愧使君俱是嶺南巡

管內

孫曰潮韶二州皆屬嶺南節度

莫欺荒僻斷知聞

### 題秀禪師房

橋夾水松行百步竹林莞席到僧家

祝曰莞草叢生水中園可以織席孫

曰詩下莞上簟○莞九還切林一作林洪曰非是

暫拳一手支頤卧

頤一作頭

還把

漁竿下晚沙

晚一作釣

將至韶州先寄張使君借圖經

洪曰此詩及下至韶州留別詩皆自潮移袁道中作

曲江山水聞來久

孫曰曲江韶州縣名

恐不知名訪倍難願借圖

經將入界亦逢佳處便開看

過始興江口感懷

孫曰韶州始興郡大歷十四年四月起居舍人韓會以罪貶韶州刺史公隨會而遷時年十歲至是貶潮州道過始興所謂感懷也

憶作兒童隨伯氏

孫曰伯氏謂會也詩曰伯氏吹埙樊曰公復志賦云當歲行之末復兮從

伯氏以南  
遷即此也

南來今只一身存目前百口還相逐舊事無

人可共論

### 韶州留別張使君

孫曰公量移袁  
州故云留別

來往再逢梅柳新

孫曰元和十四年正月公以論佛骨  
貶潮州三月至潮州十月量移袁州

十五年正月至袁州其往來上  
下於詔皆梅柳新時也故云

別離一醉綺羅春久欽

江揔文才妙

韓曰陳後主欲以江揔為太子詹事孔奭  
曰揔文華之人太子何藉於揔孫曰揔字

揔持以  
虧張也

自歎虞翻骨相屯

樊曰虞翻仕吳為騎都尉數  
犯顏諫諍孫權不悅坐徙丹

陽涇縣後又徙交州嘗云自恨疏節骨肱不媚犯  
上獲罪當長沒海隅孫曰翻字仲翔以喻已也  
鳴笛

急吹催落日

催一作爭

清歌緩送感行人

清一作嬌

已知奏課當

徵拜

孫曰謀治狀也

那復淹留詠白蘋

白蘋事見和席入詩注

量移袁州張韶州端公先以詩相賀因酬之

韓曰此量移命初下之時相贈答也

明時遠逐事何如遇赦移官罪未除

韓曰公至潮州以表哀謝帝謂宰臣

曰昨得愈表因思其所諫大是愛我然愈為人臣不當言人主事佛乃年促也七月羣臣上尊號大赦天下乃

量移為表

北望詎令隨塞鴈

孫曰左太冲蜀都賦晨鳧旦至候鴈銜蘆木落南翔



冰泮北徂鴻鴈之屬九月而南正月而北故公自言不如此塞鴈得北向也樊曰蘇武使匈奴留匈奴中漢求武等匈奴說言武死漢使後至常惠教之言天子射上林中得鴈足有繫帛書言武等在其澤中使如其言責單于單于謝曰實

### 南遷纔免葬江魚

韓曰屈原被讒王怒而遷之原至江

濱曰寧赴常流而葬江魚腹中乃作懷沙之賦負石投汨羅而死

### 將經貴郡煩留客先

### 惠高文謝起予

孫曰語曰起予者商也始可與言詩已矣起發也言子夏能發明已意

### 暫

### 欲繫船韶石下

孫曰韶石在韶州西江縣靈七嶺高百仞廣圓五里兩石對峙相去一里小大

畧等似雙闕上有虞舜廟樊曰郡國志云舜登此奏韶樂繫舡一本作寄舡

### 上賓虞舜整冠

### 裾

# 次石頭驛寄江西王十中丞閣老

孫曰元和十四年六月以中書舍人王仲舒為御史中丞洪州刺史江南西道觀察使時公來赴袁州樊曰袁隸江南西道公自袁還朝行次石頭而作是詩按水經注贛水西岸有盤石謂之石頭在豫章郡北豫章郡洪州也

憑高迴馬首

一本作一作試回首

一望豫章城人由戀德泣

由一作猶

馬

亦別羣鳴寒日夕始照風江遠漸平

風江一作楓江又一作江風

默

然都不語應識此時情

題西林寺故蕭二郎中舊堂公有女為居在江

# 州

孫曰蕭郎中名有字伯誠穎士之子與公兄會厚善公自少為存所知及自來州還過存廬山故居而存諸子皆前死有一女為居公為經紀其家西林即江州廬山寺也江州一

作女

州

## 中郎有女能傳業

韓曰蔡中郎邑女名琰字文姬興平中天下喪亂為胡騎所獲曹操痛邑

無嗣以金贖之因問曰聞夫人家先多墳籍猶能記憶否曰昔亡父賜書四千卷流離塗炭固有存者今所誦

憶我四百餘篇於是繕寫送之文無遺誤

## 伯道無兒可保家

樊曰鄧攸字伯道為河南太守

永嘉末以石勒之亂負妻而逃擔其兒及其弟子綏恐不能兩全乃謂其妻曰吾弟早亡惟有一息理不可絕

乃自弄其兒而逃曰幸而得存後當有子過江仕終高書右僕射卒以無嗣時人義而哀之曰天道無知使鄧

伯道

無兒 偶到匡山曾住處

孫曰廬山亦名匡山

幾行衰淚落煙霞

注

趙璘因詒錄所載公詩與此畧異今錄于此遊廬山過蕭金部山居中郎有女能傳業伯道無人可主家今日匡山過舊隱空將衰淚到煙霞

# 自袁州除官還京行次安陸先寄隨州周員外

樊曰諸本以隨州為循州誤矣循與潮相鄰皆在廣南安陸則安州也安州去隨縣九十里與隨皆隸湖北次安陸而寄隨州則道里為便若自袁還京至安州而先寄詩循州則道里何逆也公詩曰行行指漢東左傳云漢東之國隋為大此非隨而何周員外謂君樂

也循又一

作後亦非

行行指漢東暫喜笑言同雨雪離江上蒹葭出夢中

日孫

宣四年左氏闕伯比從其母畜於邲注於邲子之女生子文焉邲夫人使弃諸夢中夢澤名在安陸東南

面猶

含瘴色眼已見華風歲暮難相值酣歌未可終

### 題廣昌館

樊曰館在今隋

州東陽縣南

白水龍飛已幾春

樊曰王莽惡劉氏以錢文有金刀故改為貨帛或以貨泉字文為白水真

人光武南陽白水人也張衡東京賦我世祖乃龍飛白水

偶逢遺跡問耕人

孫曰光武之高

祖春陵節侯買本封在今永州元帝時徙南陽  
仍號春陵在今隨州連字一作尋遺字一作蹤

丘墳發

掘當官道

孫曰當官道言無所畏  
忌也道字蔡本作路

何處南陽有近親

韓

建武十五年詔下州縣檢覈田舍先武見陳留吏牘上  
有書視之云潁川弘農可問河南南陽不可問帝詰吏  
不能對顯宗為東海公在幄後言曰  
河南帝城多近臣南陽帝鄉多近親

又寄周隋州員外

周隋州  
見上注

陸孟丘楊久作塵

孫曰貞元中公佐戎汴州陸長源蓋  
叔度丘潁楊凝及公與周皆在幕中

至是陸孟丘楊  
四人著死矣

同時存者更誰人

樊曰元和四年公公  
司東都有送李正字

歸湖南序云於時太傅府之士惟愈與河南司錄周君  
獨存其外則李氏父子相與為四人至作此詩時又一

星終矣李氏父子存否莫詳因  
此詩而知其存者獨公與周耳  
金丹別後知傳得乞取

刀圭救病身

孫曰周好金丹服餌之術柳子厚集中有  
答同君巢論餌藥久壽書是也樊曰公詩

及此而或者遂謂公晚年感金石藥且引樂天思舊詩  
云退之服硫黃一病訖不痊公卒以長慶四年其三年  
誌李干墓方且歷疏以藥敗者六七以  
為世戒今乃不取此為正而徒云爾邪

### 醉中留別襄州李相公

樊曰李謂達吉也舊史元和九年拜中書舍  
人十一年拜相尋出為劍南東川節度使移  
宋即位移襄州刺史山南東道節度使公  
自袁召還過襄陽作也留別一作上別

濁水汙泥清路塵

孫曰曹子建詩君若清路塵妾若濁  
水泥浮沉各異勢會合念何時濁水

汙泥公以自喻清  
路塵以喻達吉也

還曾同制掌絲綸

韓曰公元和十一年正月為中書舍

人而進吉以其年二月自舍人拜相故云唐曰據送襄  
陽李尚書詩心本名衡云中書舍人李逢吉考工郎中

知制誥  
韓愈

眼穿長訝雙魚斷

韓曰選客從遠方來遺我雙  
鯉魚呼兒烹鯉魚中有尺素

書也  
書乳魚

耳熱何辭數爵頻

樊曰楊惲書云酒後耳  
熱仰天拊缶而呼烏烏

銀燭

未銷慙送曙

銷一作殘

金釵半醉坐添春

補注許彥周云退  
之詩酩酊馬上知

為誰人云金釵半醉坐添春  
乃知賦梅花不獨宋廣平

知公不久歸釣軸

孫曰逢  
吉果以

長慶二年三月入為  
兵部尚書尋再常調

應許閑官寄病身

去歲自刑部侍郎貶潮州刺史乘驛之官其後



家亦譴逐小女道死瘞之層峯驛之山下今過

其墓留題驛梁

孫曰去歲謂十四年也是歲正月公自刑侍  
貶潮州二月至商州層峯驛女卒年十二  
塋南山下今自袁州召還過墓○一本題  
上有題驛梁三字下無留題驛梁四字

數條藤束木皮棺草殯荒山白骨寒驚恐入心身已病

扶舁沿路衆知難

舁音余

繞墳不暇號三市

樊曰禮記延校季子遠齊

於其反也其長子死塋於羸博之間既封  
左袒右還其封且號者三○市音作答切

設祭惟聞飯

一盤

韓曰荆楚歲時記孫楚祭子推文黍飯  
一盤醴酪二孟清泉甘水充君之厨

致汝無辜

由我罪百年慚痛淚闌干

闌干淚多貌

# 賀張十八秘書得裴司空馬

樊曰張籍有謝裴寄馬詩裴亦有詩答籍李絳元稹白居易劉禹錫張賈皆有詩賀之公亦有此作孔子曰齊景公有馬千駟死之日民無得而稱焉籍得一馬而諸公爭為之詠若此誠以其人耶張裴詩附于後孫曰賀字當作和

## 司空遠寄養初成

孫曰元和十四年四月以裴度為河東節度使十五年九月以度守司空

遠寄謂自河東寄籍

## 毛色桃花眼鏡明

孫曰爾雅馬黃白雜毛曰駉注云今桃花馬也顏延

之緒白馬賦曰雙瞳夾鏡兩權協月眼鏡言兩眼如鏡也

落日已曾交轡語春風還

擬並鞍行長令奴僕知飢渴湏著賢良待往情

孫曰謂此良馬

當以賢良之性待之

旦夕公歸伸拜謝

孫曰詩是以有衣衣兮無以我公歸兮公歸者謂度

將自河東歸赴朝廷也

免勞去騎逐雙旌

謝裴司空寄馬詩

張籍

綠耳新駒駿得名司空遠自寄書生乍離華厩移蹄

澀初到貧家舉眼驚

洪曰此照劉貢父云詩人之詞微而顯亦少其比

每被

閑人來借問多尋古寺獨騎行長思歲旦沙堤上得

從鳴騶傍火城

答張籍詩

斐度

滿城馳逐皆乘馬古寺閑行獨與君  
代步本慙非逸足緣情何幸枉高文  
若逢佳麗從將換莫共駑駘角  
出羣飛鞚著鞭能顧我當時王粲亦從軍

杏園送張徹侍御

集注徹娶禮部侍郎韓雲卿之孫汴州開封尉俞之女杏園在長安城南曲江之西時徹以殿中侍御史佐張洪靖於幽州長慶元年也侍御一本作侍郎非是

東風花樹下送爾出京城  
久抱傷春意新添惜別情  
歸

來身已病

孫曰歸來謂歸自潮州

相見眼還明更遣將詩酒誰家

逐後生

孫曰更遣謂更令我將此詩酒於何處逐後生也

雨中寄張博士籍侯主簿喜

孫曰元和十五年九月公自潮州召為國子祭酒以籍為博士喜為主簿長慶元年公既有此詩而籍亦有和篇惟喜之詩不傳矣今附籍詩于後

放朝還不報夜半跼泥歸

祝曰樂天時亦和公此詩末云仍問放朝夜設出到街頭

正謂此也

雨慣曾無節雷頻自失威見牆生菌徧

孫曰前之屬今之牆

壁上生者

憂麥作蛾飛歲晚偏蕭索誰當救晉饑

韓曰左氏僖十三年

晉苻飢乞  
糴于秦

壽韓祭酒雨中見寄

張籍

雨中愁不出陰黑盡連宵屋涇惟添漏泥深未放朝  
無芻憐馬瘦少食信兒嬌聞道韓夫子還同此寂寥  
兵部張侍郎酬馬尚書祇召塗中見寄開緘之  
日馬已再領鄆州奉和

樊曰張侍郎賈也馬尚書摠也長慶初劉總  
上幽鎮地詔總代刑部尚書馬摠為天平軍  
節度使而召摠還將大用之會總卒穆宗以  
鄆人耐賴摠詔復還鎮遷檢校刑部尚書一

本題作和張侍郎酬馬尚書

來朝當路日承詔改轅時

並見題注

再領須句國

樊曰須句鄭之東平

也左傳僖公二十一年邾人滅須句杜預注須句在東平須昌縣西北言摠再領鄭州。句音勅

仍遷少

昊司

韓曰月令秋之三月其帝少昊蓋秋主刑而摠加檢校刑部尚書故云

暖風抽宿麥

清雨卷歸旗

孫曰歸謂歸天平也補注石林詩話云蔡天啟言嘗與張文潛論韓柳五字警句文

潛舉退之暖風抽宿麥清雨卷歸旗子厚壁空殘月曙門掩候蟲秋皆集中第一

賴寄新珠玉

寄一作有長吟慰我思

早春與張博士籍遊楊尚書林亭寄第三閣老

兼呈白馮二閣老

韓曰時白居易以主客郎中知制誥馮宿以  
北部郎中知制誥楊綰傳故事書舍人年  
久者為閣老公此詩樂天有和篇今附于後  
一本題中無傳士二字又無寄第三閣老兼

六字

牆下春渠入禁溝

一作流

渠冰初破滿渠浮鳳池近日長

先暖

韓曰荀勗自中書遷尚書令曰奔  
我鳳凰池孫曰近日以喻近君也

流到池時更不

流

蔡上作  
更見不

和韓侍郎題楊舍人林池見寄 白居易



渠水暗流春解凍風吹日炙不成凝鳳池冷暖君諳  
在二月因何更有冰

奉使常山次太原呈副使吳郎中

樊曰長慶元年七月成德軍大將王廷湊殺  
其節度田洪正以反三年二月詔雪廷湊罪  
復以為節度使以公為兵部侍郎宣慰其軍  
途次太原作此詩常山鎮州也即成德所治  
吳郎中名丹時以駕部郎中為宣慰副使唐  
子西曰公孫弘以董仲舒相膠西梁冀以耿  
綱守廣陵李逢吉以韓愈使鎮州盧杞以顏  
魯公使李希烈其用意正相類然考之史公  
出使鎮在二月而逢吉三月始召為兵部尚  
書六月始代裴度為相子西云爾何也抑豈

逸吉險邪遂以公此行為其所中歟君子惡  
居下流天下之惡皆歸焉此之謂也

朗朗聞街鼓

朗朗鼓聲

晨起似朝時翻翻走驛馬春盡是歸

期地失嘉禾處

韓曰書唐叔得禾異畝同穎獻諸天子王命唐叔歸周公于東周公既得命禾

旅天子之命作嘉禾太原即唐叔之國也後改為晉故公詩引之薛字一作詩

風存蟋蟀辭

孫曰唐國風有蟋蟀詩刺昭公之儉唐國

暮齒良多感無事涕垂頤

# 壽陽驛題絕句

韓曰壽陽

太原屬邑

風光欲動別長安春半遶城特地寒不見園花兼巷柳

馬頭惟有月團圓

鎮州初歸

別來楊柳街頭樹擺撼春風祇欲飛

擺撼一作搖弄

還有小園

桃李在留花不發待郎歸

集注唐語林云退之二侍妾名柳枝

緣桃初使王庭湊至

壽陽解絕句云不見園花東家柳蓋寄意二妹建歸柳枝適去故鎮州初歸詩云云也補注邵氏聞見錄云脉子陽為子古近將壽陽驛終地傳二詩石唐入政云退之有倚桃風柳二枝歸途聞風柳已去故云云後張籍祭退之詩云乃出二侍女非此二人耶

同張水部籍遊曲江寄白二十二舍人

樊曰張籍自國子博士遷水曹外郎白居易  
自主客郎為中書舍人按長安志曲江在城  
南界道坊以其有流水屈曲謂之曲江司馬  
相如賦云臨曲江之懷川即其所也劇談云  
池水秦時墮州唐開元中疏鑿為勝境居易  
和篇見此詩後世傳韓白無往來之詩非也  
漠漠輕陰晚自開青春白日映樓臺曲江水滿花千樹  
有底忙時不肯來

酬韓侍郎張博士雨後遊曲江見寄 白居易

小園新種紅櫻樹閑繞花行便當遊何必更隨鞍馬  
隊衝泥踏雨曲江頭

宣政衙賜百官櫻桃詩

張籍

仙果人間都未有今朝忽見下天門捧盤小吏初宣  
敕當殿羣臣共拜恩日色遙分廊下坐露芽才出禁  
中國每年種此偏先熟願得千春奉至尊

和水部張員外宣政衙賜百官櫻桃詩

洪曰一本題作和張  
水部敕賜櫻桃詩

漢家舊種明光殿

韓曰洛陽宮殿薄曰漢有明光殿  
音殿又曰顯陽殿前櫻桃六株微音

殿前乾元殿

前並三株

炎帝還書本草經

孫曰神農本草云櫻桃  
味甘主調中益脾胃令

人妍  
顏色

豈似滿朝承雨露共看傳賜出青冥香隨翠籠擎

初重

一作到

色照銀盤瀉未停

後漢明帝月夜晏羣臣以赤瑛盤賜櫻桃月下視之

盤與桃  
同色

食罷自知無所報空然慙汗仰皇扃

早春呈水部張十八員外

二首

天街小雨潤如酥草色遙看近却無最是一年春好處

絕勝煙柳滿皇都

煙一作花

莫道官忙身老大即無年少逐春心  
憑君先到江頭看

柳色如今深未深

今一作金

# 送桂州嚴大夫

孫曰長慶二年四月以嚴蕃為御史大夫充桂州觀察使公與白居易張籍皆有詩送其行

蒼蒼森八桂茲地在湘南

樊曰山海經云桂林八樹在貴州東注云今番禺也桂林

郡因取此以為名居易詩云桂林無瘴氣柏署有清風

稽詩云有地多生桂無時不養茲皆謂此八字一作樹

在字一作近一本又作森

江作青羅帶

補注東坡云近之詩江作青羅

森八月桂茲樹在湘南

帶子厚詩海上羣山似劍鉞子瞻為之對

山如碧玉簪

曰繫憑豈無羅帶水割愁還有劍鉞山

祝曰繫釵簪也梁劉孝威詩金

戶多輸翠羽

孫曰翠羽翡翠之羽

繫臨鬢斜○繫與簪同祖舍切

也家自種黃甘遠勝登仙去飛鸞不暇驂

祝曰驂駕也暇字一本作假

# 奉酬天平馬十二僕射見寄

孫曰元和十四年三月以馬摠為鄆曹濮等州觀察使十五年七月名其軍為天平軍就加檢校尚書左僕射一本題作奉酬天平馬十二僕射暇日言懷見寄之作

天平篇什外政事亦無雙威令加徐土儒風被魯邦

樊曰

劉夢得天平軍節度使廳壁記惟鄆在春秋為須句之國涉漢為濟東蓋禹貢兗州之域宣情在上奎為文宿畫野在下魯為儒邦而曰威令加徐土者禹貢海岱及淮惟徐州而前漢以徐隸臨淮則徐亦魯也徐土魯邦字蓋出詩常武問宮之什云  
清為公論重寬得士心降歲晏偏相憶

長謡坐北窓



奉使鎮州行次承天行營奉酬裴司空相公

孫曰長慶元年七月鎮州衙將王庭湊反自  
相留後八月以河東節度使裴度為幽鎮兩  
道招撫使十月以度為鎮州四面行營都總  
討使二年二月詔雪庭湊罪以公為宣慰使  
承天行營節度七兵處也韓曰公之宣諭鎮  
州是行也衆皆危之元稹言於穆宗曰韓愈  
可惜上悔馳詔令母徑入公卒至賊營麾其  
衆責之庭湊聽命出牛元翼之圍東坡為公  
作潮州廟記所謂勇  
奪三軍之帥者以此

竄逐三年海上歸

孫曰元和十四年謫潮州十五年  
召還此云竄逐三年者久之也

逢

公復此著征衣旋吟佳句還鞭馬恨不身先去鳥飛

鎮州路上謹齋裴司空相公重見寄

注見前篇題下謹齋一本作奉酬

銜命山東撫亂師

樊曰張籍祭公詩云再使平山東不言謀所臧再使蓋謂從伐蔡與此使

鎮州也自太行而東皆曰山東猶浙江以南皆曰江南也

日馳三百自嫌遲風霜滿

面無人識何處如今更有詩

和僕射裴相公感恩言志

孫曰度守司徒淮南節度使同中書門下平章事為李逢吉所間罷為左僕射樊曰裴詩張籍亦有和篇題曰和裴僕射移官言志詩有功成歸聖主位重委羣司之句云

文武成功後居為百辟師林園窮勝事鍾鼓樂清時

補注

詩話云慶曆中西師未解晏元獻為樞密使會大雪置酒西園歐陽永叔賦詩云須臾鐵甲冷徹骨四十餘萬屯邊兵安口昔韓愈亦能作言語赴裴度會但云困林窮勝事鍾鼓樂清時不曾如此作開

擺落遺

高論雕鐫出小詩自然無不可范蠡爾其誰

韓曰史記范蠡事越

王句踐既與深謀滅吳報會稽之耻句踐既伯蠡稱上將軍以為大名之下難久居為書解句踐請從會稽之誅乃與其徒乘舟浮海以行出齊與大夫種書言越王為人長頸烏喙可與共患難不可與共樂子何不去其字一本末為

和僕射裴相公迴朝見寄

韓曰二詩皆長慶二年作張籍集有酬裴僕  
射朝回寄韓吏部詩其末云惟應有吏部詩  
酒每相同謂此韓為吏部在二年四月度罷  
相為左僕射在六月前詩引范蠡事後詩云  
公今始暫閑  
皆罷相時意

盡瘁年將久

補注詩或  
並庫事國

公今始暫閑事隨憂共減詩與

酒俱還放意機衡外收身矢石間秋臺風日迫正好看  
前山

和李相公題蕭家林亭

樊曰李相公逢吉也蕭氏在唐最盛瑞嵩華  
優倪寘傲邁凡八葉宰相嵩第在城南布政

坊寔第在城南永樂坊

見長安志餘無所見

山公自是林園主

孫曰襄陽記山簡字季倫晉永嘉中為襄陽守岷山南習郁有佳園池簡

每臨此池輒大醉而歸名之曰高陽池時有童兒歌曰山公何所往來至高陽池日夕倒載歸酩酊無所知

歎惜前賢造作時巖洞幽深門盡鎖不因丞相幾人知

杜相公太清宮十六韻紀事陳誠上李相公因

和

孫曰杜相公元穎也長慶元年二月拜相李相公逢吉長慶二年六月拜相太清宮玄元皇帝廟也天寶元年正月陳王府參軍田同秀上言玄元降于丹鳳之通衢於是置玄元

廟于大寧坊三年改為太清宮每歲十月有事以為常此詩謂長慶二年十月也

耒耜興姬國

韓曰謂后稷教民稼穡而有天下孫曰后稷以農事開國故云耒耜興姬國也姬周

姓

輜標建夏家

孫曰尸子曰行塗以輜行險以標輜亦口龜龜者謂以板置泥上以通行路也

標亦曰檣檣木器也如今舉牀人舉以行也輜標者蓋禹治水所乘之四載也樊曰書益稷載禹曰予乘四載孔子謂水乘舟陸乘車泥乘輜山乘標○輜丑倫切史記漢書並作輜音莖標力迫切史記作檣漢書作檣音

九足

在功誠可尚於道詎為華

詎宣也樊曰言夏周之祖以功而興詎若唐李

氏之先出自玄元於道為華也

象帝威容大

孫曰老子吾不知其誰之子象帝之先此言象帝者

即指玄元也

仙宗寶歷賒

賒遠也

衛門羅戟槩

孫曰衛防衛羅列也槩與猶同

圖壁雜龍蛇

圖也

禮樂追尊盛乾坤降福遐四真皆齒

列

樊曰天寶元年新享玄元皇帝于新廟以莊子為南華真人文子為通玄真人列子為冲虛真人庚桑子

為洞虛真人

二聖亦肩差

樊曰初太清宮成命工於太白山採白石為玄元真像家

是為四真也

冕之服當宸南面元宗肅宗

陽月時之首

孫曰爾雅十月為陽十月

真容侍立左右皆朱衣朝服

為冬時

陰泉氣未牙

牙萌也

殿筵鋪水碧

孫曰水碧玉也碧玉名

庭

之首

炬圻金葩紫極觀忘倦青詞奏不譁嘈呌宮夜闌

祝曰

鍾聲相如曰聲嘈呌而

嘈獻鼓晨撾

祝曰嘈獻鼓聲張衡東都賦奏晨鼓

似鍾音二字音鍾宏

之嘈獻撾擊也後漢祠衛為漁陽

褻味陳奚取

韓曰禮不敢用

慘趣○嘈才局切撾步爪切

常襲味而貴多品所以交

於神明之義也味一作服

名香薦孔嘉

孔甚垂祥紛可

錄

紛多貌錄

一作錄 俾壽浩無涯

孫曰詩俾爾壽而昌

貴相山瞻峻

孫曰貴相

貴近之相謂杜也詩嵩高惟嶽峻極于天惟嶽降神生甫及申

清文玉絕瑕

孫曰瑕玉病也

代

工聲問遠

孫曰書天工人其代之工官也

攝事敬恭加

孫曰攝事謂有事于太清宮杜

為宰相攝祀事也韓曰新舊志唐初貞觀禮冬至祀昊天上帝于南郊正月祈穀于南郊孟夏雩于南郊明皇

定開元禮天寶初遂合祭天地于南郊時神仙道家之說興乃建玄元廟二月辛卯親享玄元廟甲午親享太

廟丙申有事于南郊其後遂攝祭南郊薦獻太清宮薦享太廟

皎潔當天月萎蕤捧日

霞

孫曰天日以喻君月霞以喻杜攝事在人主之側

唱妍醅匪麗

匪一作亦

俛仰但



稱嗟

五百家註昌黎文集卷十

謹案卷九第一頁後五行注非諳裏夜卧刊本諳訛安據漁隱叢話改

第五頁前七行注令越巫立越祝祠刊本祝祠訛祠祝又越巫亦祠天神刊本亦訛立並據史記改

第九頁後三行謝惠連雪賦刊本惠連訛靈運據文選改

第九頁後八行題注紅豆啄餘鸚鵡粒刊本豆訛

稻據唐音統籤改

第十一頁前六行注壁馬犀之璘璠刊本璘璠誤  
瞬目據文選改

第二十二頁後二行題注歸一作宿刊本脫一字

據本注體例增

卷十第六頁後六行注揚子雲傳哀帝時丁傳董  
賢用事諸附麗之者或起家至二千石刊本揚  
訛揚哀訛安傳訛傳又附麗之者句下行皆為


三公四字並據漢書改刪

第十八頁前五行注延袤二千餘里刊本延訛斜  
據唐書改

第三十一頁後四行注唐國風有蟋蟀詩刊本唐  
訛晉據詩經及文義改

第三十六頁前五行注稱上將軍刊本上訛大又  
六行請從會稽之誅刊本誅訛遊並據史記改





總校官庶吉士臣侍朝

校對官庶吉士臣陳文樞

膳錄監生臣趙興吾